

英事紀畧

明代倭寇紀畧

髮匪紀畧

明季義旅紀畧

法事紀畧

耿逆紀畧

浙江圖書館

915.124
3640
202



浙江圖書館



浙江圖書館



浙江圖書館



浙志便覽卷之五

化州李應珏玉山著

浙中英事紀畧

浙省寇患近以髮匪爲最而道光間英夷踞定海破甯波
犯紹興陷乍浦官民之死者以萬計亦一大劫蓋其時民
物恬熙聞寇警則膽裂又疑西洋火礮輪船爲神奇莫敢
與當一隅有警全省震駭聚勁兵良將巨餉而數覆於敵
固不能如甲申鎮海之役第握一塞港拒守之謀持之以
靜任彼環攻兩月而一省晏然也初道光十八年以諸臣

交奏鴉片烟流毒 命湖廣總督林則徐充 欽差大臣

往粵查辦次年正月十五林則徐抵粵二月十二英領事

義律具印稟遵繳烟土二萬二千八十三箱奉 旨在粵

銷燬十一月以英夷春間曾與米佛各國一體遵結不販

烟土旋復尋釁幸我師五次攻毀其船奉 旨停其貿易

二十年英遣威伯麥率兵船十艘印度船二三十艘來粵

五月林則徐焚英船二艘於磨刀洋英船盡竄廈門閩督

鄧廷楨復沈英船一艘於廈門遂遁竄浙江六月初八陷

定海夷船四出繞後海侵上虞至一夏蓋山觸礁破其五桅

解一艘虞圍擒黑夷三白夷一夷婦一脚船一廿四

日夷抵乍浦旋去定海鎮張朝中砲
本廳姚懷祥典史全福投河皆死之
七月 欽差 江督伊里布

來浙視師其月夷帥伯麥義律以五艘赴天津索和議六
條一烟價二廣州廈門福州定海上海通商三敵體四軍
費五弛烟禁六裁洋商直督琦善以聞且劾上年烟價必
有委曲之處八月 命琦善爲 欽差赴粵查辦林則徐
鄧廷楨革職聽勘并飭沿海毋得開砲轟擊夷船其月夷
船自津還半踞定海半回粵九月義律見 欽差伊里布
於鎮海索俘夷安突德及七月上虞所獲黑白夷等數名
不果伊里布遣家人張喜赴夷船餽酒食并賀林鄧革職

伯麥搖首稱林督有肝膽。但宜禁烟。不宜停貿易。十二月
琦善因拆毀礮臺。遣撤水勇悅夷。夷驟逼粵東省城。遂許
銀六百萬圓。及香港地。遽與夷議和。二十一年二月詔暴
英夷罪狀。以奕山爲靖逆將軍。赴粵辦理夷務。視琦善職
籍其家。三月命裕謙代伊里布爲欽差。辦理浙江夷
務。命林則徐以四品京堂赴浙會辦。旋遣戍去。四月夷
陷粵東省城。奕山與夷議和。仍輸銀六百萬。給與香港地
夷亦交還定海。易餘姚所獲俘囚。奉旨各省一律撤兵。
六月夷人詭稱義律因與中國議和。被譴。另遣璞鼎查率

兵船赴津討前索六款七月夷數十艘陷廈門旋棄廈門趨浙江於是浙東再警八月初夷犯石浦以礁險不利改趨定海時定海鎮葛雲飛壽春鎮王錫鵬處州鎮鄭國鴻率兵五千守定海分駐東浦港威遠城土城以西爲犄角十二日夷因竹山門無備撞進十四日夷攻曉峯嶺我軍隱於山鑿未爲所傷旋登海中五奎山立營繞吉祥門入攻東浦港皆卻之十七日復由五奎山東浦港曉峯嶺三路進攻曉峯嶺軍逆風下擊銃不得力夷遂由曉峯嶺入城陷三鎮皆歿二十六日夷攻鎮海時提督余步雲率兵

二千守城外招寶山總兵謝朝恩率兵二千守隔江金雞

嶺先時巡撫裕謙見招寶山上建白旗疑余通夷會諸將

盟於關廟余託疾不從至時夷分兩路來攻金雞營轟

斃夷人數百余步雲不准招寶軍開砲夷甫抵招寶山麓

余卽棄礮臺狂走夷遂由招寶俯擊城下金雞軍亦亂城

陷謝朝恩陣亡裕謙投泮池死二十九日夷兵船四火船

二小舟數十進攻甯波余步雲先走上虞本道鹿澤長本

府鄧廷彩從之府城遂陷九月十六夷火船二釣船二小

船十餘駛入餘姚

我軍望風奔遺
夷船阻橋弗進

十八日回犯慈谿

城空無人

焚掠仍回甯波浙軍五萬畫守曹娥無一過江者九月 命宗室大學士奕經爲

揚威將軍侍郎文蔚副都統特依順赴浙十月璞鼎避雪

赴閩浙雪三尺臘夷抵乍浦泊燈光山進菜薺門發砲乍城頓

空時奕經至杭特伊順赴閩文蔚渡江視師璞鼎查去後

甯波僅夷兵千餘漢奸二千而奕經在嘉興未進討抵杭

後船頭設匾招人言方畧惟求漢奸反間爲秘計轉爲夷

所用二十二年正月分數路進軍奕經營於紹興東關調

度文蔚率兵二千屯慈谿之長溪嶺接應副將朱桂參將

劉天保謝天貴率四川河南陝甘兵二千分左右翼屯於

大寶山圖鎮海提督段永福率勇四千半伏甯波城外半屯大隱山圖府城另遣軍由乍浦僱漁舟潛渡岱山圖定海皆信漢奸言不帶火器至城下卽斬夷酋以獻二十八日甯波夷故開南門縱我軍入忽從屋上兩面轟擊我軍無砲不能仰攻死二百餘人段永福棄大隱山走還東關鎮海一路劉天保率河南金川兵先發夷亦開門縱入旋合招寶山各夷促之我軍亦因無砲遁走死二三百人幸朱桂率陝甘四川兵六百固守大寶山二月初四夷兵二千復從慈谿登岸行三里攻大寶山朱桂用扛砲轟死夷

兵四百，旋以左右翼劉天保、謝天貴軍潰。朱桂陣亦亂，遂父子同死。長溪嶺一路其地距大寶山十餘里，夷攻朱桂時，桂子跪乞文蔚發兵五百截夷歸路，不應。朱潰聽侍衛容照司員聯芳請，遽棄軍還東關。次日薄暮，夷遂燬長溪營，其乍浦一路用小舟數百渡兵勇四千，爲夷所覺，焚燬過半。鹽大使鄭鼎臣忽報二月初四三路火攻，沈夷人大兵船二隻，三板船數十，事聞，奕經賞雙眼花翎，文蔚加頭品頂戴。巡撫劉韻珂以虛報論奏未省，數路潰後，文蔚棄紹興走西興，巡撫劉韻珂飛檄截之，有一卒過江者斬。

於是文蔚仍回紹興。惟奕經回杭。二月十五。鎮海知縣葉
堃。生員王師真。報火焚夷船甚多。開銷軍需賞費數十萬。
事無左證。二月。命宗室耆英爲 欽差。署杭州將軍提
督齊慎。赴浙參贊。三月。奕經復渡紹興。文蔚駐守曹娥江。
夷自去年七月擾浙。本爲要挾和議起見。至時郡邑屢陷。
而和議未成。漸有改擾蘇松之意。於是索甯波紳士犒軍
銀百二十萬。三月二十七日。退還甯波城。四月初一日。退
還鎮海城。惟留四舟。夷兵千餘。仍守定海。大隊俱駛出外
洋。四月初九。夷艘二十四。復攻乍浦。分泊西山咀。唐家灣。

佐領福隆率兵二百餘設伏觀山灣天尊廟斃夷迫百旋
俱燔於夷翌日夷從燈光山登岸山陝兵屯於唐家灣山
東兵先遁遂俱潰千總李廷貴張淮泗及兵士死者四百
餘副都統長善先在葫蘆灣受傷回嘉興越一月而卒同
知韋逢甲中砲越日死士民死者復百餘杭嘉戒嚴是月
上命將軍參贊中派一人前赴嘉興防堵於是奕經自
紹興渡江而北耆英奉命往廣東規復香港蓋因御史
蘇廷魁奏夷兵須調還印度與孟阿臘接戰故也十八日
夷船復棄乍浦而北五六月夷連陷寶山上海鎮江皆棄

不守六月二十八進逼江甯 欽差伊里布遣家人張喜
至船講款許銀二千一百萬圓給香港及五處通商一如
天津六款舟山鼓浪嶼香港夷兵俟三年交足銀後方行
撤退其月會諸帥奏稱夷踞鍾山江甯危在旦夕關係天
下全局且引乾隆間征緬棄關外地五千里爲藉口奉

旨依議其實夷人尙未據鍾山征緬亦未棄地也七月初
九各帥往夷船拜會越二日夷帥璞鼎查馬禮遜亦入城
會各帥於正覺寺連日提兩江各庫銀過交八月杪各帥
餞夷酋於正覺寺九月初夷艘盡回定海 上諭逮江督

牛鑑治罪遣伊里布往粵東議通商章程。禿奕山文蔚余步雲交刑部步雲旋伏法。英事遂平。

論曰

東南諸省自國初來文武廢弛二百餘年矣。嘉道間雖有海盜之剽然追風逐浪所謂決生死於俄頃間者內地官民固無得而見也。一旦寇氛驟來遠近胆裂卽有一二不惜軀命之士而兵輪砲火又確有不能相勝之勢。欲拒港扼守而沈樁石於水深溜急之處當時未有機器木架則釘樁不穩無堅臺巨砲相輔敵燬亦易和則緹在國計。

戰則害在民生。此亦無可如何者矣。然當治極思亂之時，卽不惜絀國計以保民生，而不旋踵復有髮逆十餘年之慘，則不若久與相持，事勢極而智勇自出，夷務之網羅或卽以收髮股之梟傑，亦未可知也。今者二十餘處通商口岸，外夷室廬，資本什百曩昔，互相顧忌，互相維持，而中國戢戰未久，將士見獵心喜，輪船火炮無不畢具，無論敵人徒擾口岸，不能懷土地以去，卽有汪直、平秀吉之流，思乘英法俄日毘連之地，肆其蠶食，長其封豕，而星使絡繹，電報風馳，合與國以伐其謀，據形勝以制其命，但能久與相

持彼自有害無利。鈞軸謨猷至矣遠矣。是役道光十九年正月。夷具結遵款。廿年七月。卽陷我舟山。是年夏。我閩粵疊銜夷鋒。遽許撤防。夷卽於臘月逼我粵省。廿一年四月。我又許給地給款。一律撤兵。夷又卽於七八月攻我閩浙。至廿二年六月始滿欲去。論者謂三年中屢戰屢和。故人心糧械險要遞次虧損。至靡帑七千萬。貽患至今。然和後當事以臺灣鎮道達洪阿姚瑩先曾俘戮夷人。劾解刑部。竟得與林鄧一體獲宥。則仰仗聖明。故不爲鼂錯續也。坊間舊有英夷入寇防海紀畧諸本。用據浙中事實。次爲

一篇褒譏俱仍舊本不敢故存臆見也

浙江圖書館

浙志便覽卷之六

化州李應珏玉山著

浙中髮匪紀畧

杭省爲四戰之地。衢州南通福建。西達豫章。嚴州左界安徽。湖州近連蘇常。嘉興枕逼松江。其受敵恆與四省相終始。髮逆之亂。杭城一再失守。初次賊由湖州乘虛驟至。不及守禦而陷。越六日。張玉良亦由湖州來。賊去而復。再次賊由嚴州來攻。相持兩月而陷。其復也。左侯亦由上游節節猛進。李鴻章用洋人迭復甯紹各邑。合中外軍於城下。

而拔而嘉興直至蘇松收復始能制勝湖州竟俟金陵底定始克蓋平蓋地勢使然也初賊首洪秀全由廣西趨兩湖踞江甯徧陷江蘇安徽江西湖北諸郡縣遠及直隸山東河南陝西上及天津惟各僻地未暇騷擾浙省無事歲餉金陵軍七十萬月給上海軍四萬及賊由徽甯漸逼淳安浙軍乃守威坪昱嶺關千秋嶺各隘專供徽甯糧械倚爲屏蔽金陵援兵絡繹常月給十餘萬嗣徽甯饒廣盡失於是衢防遂重咸豐戊午春石達開貳於金陵由江西圍衢州西陷常山開化南陷遂昌松陽三月二十七日入處

州於是巡撫晏端書減糶常平倉穀截留漕米十九萬裕
餉檄衢州鎮饒廷選金衢道繆梓集兵二萬固衢遣溫處
道俞樹風溫州鎮葉炳忠率各軍剿處另遣李定泰七千
人由遂昌馳救金陵大帥和春亦遣總兵明安周天受來
援明安軍由蘭谿金華赴縉雲恣行擄掠婦女多乘馬過
市抵桃花嶺爲土民擊潰五月李定泰分三路克復壽昌
六月復會道員李元度率楚軍由河口入屏風關敗賊曹
會關克復常山江山總兵秦如虎亦復開化於是賊由松
陽竄閩復回江西衢被賊五掘地道圍城者九十一日矣

時温州府王景澄率軍屯青田派練分扼永嘉瑞安樂清平陽泰順各隘温屬多賴保存卽於六月十五用內應克復處州府城周天受亦遣軍尾賊復武義永康縉雲宣平龍泉及賊所經各邑此戊午賊初入衢處旋卽收復事也越二年庚申賊因去冬金陵官軍克復九洑洲乃遣僞忠王李秀成僞侍王李世賢率萬人自南陵趨甯國廣德入浙爲圍魏救趙之計三月初八日賊由廣德趨東亭陷安吉十二日又由泗安陷長興時李定泰率軍萬二千人在杭有議令其出獨松關分扼泗安東亭湖兩路并屯百丈

關以固邊圉者而軍已由湖州援安吉敗於梅溪退守湖州矣賊十九日直撲湖城紳士趙景賢率練固守於是分黨千餘向太湖夾浦窺省城十七夜從山徑陷武康十八日走勾庄夜焚良渚十九日黎明數十騎已入武林門官軍始覺跡之不得蓋自上年江皖借浙貢院舉行鄉試賊已混至洞窺虛實欲於是日大士誕戕大吏於天竺而不知故事前一日已預祝也時杭城除滿營外有撫標兵二千餘鹽使傑勇三百團局勇三百都司姚發科勝勇五百城外又有江南所募江西勇二千未去倉卒守禦賊分圍

武林錢塘湧金清波四門二十一日臬使段光清率勇四百自獨松關入援甯紹台道仲孫懋興勇二百助之二十二日賊登玉皇山爲繆梓軍擊退二十五日賊於湖上立營十餘光清率江西勇三路出戰敗績賊營饅頭山取淨慈寺羅漢環壘執旗城上礮多爲所誤各路聞警援師四出張欽差芾遣革職提督米興朝自徽來頓兵富陽撈掠爲鄉民殺潰金陵大帥和春時兼辦浙江軍務亦遣提督張玉良來二十二日前鋒副將向奎率千五百人至平望由海甯進屯清泰門外與李定泰湖州旋軍皆隔於賊不

得入二十四日張玉良率勇二千至蘇大府欲留駐嘉湖
陰爲蘇障故泥之行二十七日賊於清泰門外西竺菴用
地雷轟塌城垣數丈一湧而入於是省城遂陷計守城僅
逾八日巡撫羅遵殿辦團侍郎戴熙暨司道府縣多死之
是夜賊仍退出二十八日始盡入城紳民遷避者不及十
之二三將軍明瑞與都統來存佐領傑純率男婦登旗城
固守會三月初二日張玉良由湖州至賊喜金陵大營中
其計急棄城回攻越一晝夜張玉良乃踰艮山門入賊由
湧金清波門走平窰出獨松關由臨安孝豐徑回金陵初

八官軍復臨安十四復孝豐十五復長興而賊已於三月
內乘虛攻潰大營進陷江蘇矣其年因徽州陷賊再於九
月初六陷淳安初七陷嚴州十月陷富陽臨安餘杭三撲
省城俱爲傑純軍擊退十月十五收復餘杭張玉良率嘉
興潰卒與賊連戰三晝夜亦於十一月初八克復嚴州金
華知府程兆綸亦克復壽昌此庚申賊初破省城旋即收
復事也浙中向倚金陵爲屏蔽於嘉興不甚措意二月槍
船導賊陷海鹽平湖復而旋失并陷乍浦副都統錫齡阿
陣亾三月蘇州旣陷浙西益震張玉良自蘇州乘腳槳船

一日走至杭將卒潰者三萬四月侍逆李世賢敗提督江
長貴軍於平望二十六遂破嘉興教授蔡兆輅訓導張詠
死之撫臣王友齡乃加十倍甯紹捐餉爲玉良治糧械令
收潰卒萬二千規復嘉興六月玉良進軍三塔灣白衣菴
肉薄攻城七月十七轟破南門賊半逃以阻水不得入二
十日潮勇通賊各營眷舟奔水師亦亂張玉良還抵石門
知縣李宗謨請駐守良佯諾宵遁次日石門陷謨死之於
是嘉善桐鄉俱陷而浙西由海甯達上海之路遂阻矣此
庚辛兩年賊入嘉興事也浙自庚申陷後嘉興雖失而湖

州未破張玉良在嚴界與李定泰衢防接應臘間各復江山常山等屬富陽亦旋失旋復浙東金衢尙稱完善自徽州再失饒信不固而浙事復棘矣辛酉三月二十五李世賢自玉山陷常山別黨范汝增陷江山五月初范復由湖口破遂昌松陽處州縉雲宣平知府李希郊陣亡各城旋即收復李世賢黨二萬圍李定泰於衢城六日不下亦棄衢去由靈山破龍游湯谿犯金華淳安壽昌武義俱失玉良時率嘉興潰卒屯蘭谿金華府王桐乞師良率百騎至議拆毀附城橋梁與團紳不合遽返十九日賊六騎先至

府城奔潰世賢乃分黨守之時曾欽差國藩兼辦浙江軍務無兵可援王撫乃令食江西餉之處州鎮文瑞率三千人往并令米興朝等以二千人爲後又給團首何文慶翎頂糧械令以五千人隨行五月初一次諸暨適何創蓮花教謀叛文瑞乃令遊擊曾得勝率千人先討金華孝順街會玉良在蘭溪軍士與鄉民互鬪死傷二千人擄船奔走賊乘勢進陷蘭溪於是文瑞退守浦江米興朝等退守義烏六月初一賊陷義烏已突過查林蘇溪諸暨教諭韓煜扼之善坑嶺賊不得過乃棄義烏去七月米興朝等復

義烏并滅東陽土匪陳上達七月初四賊攻五麓嶺犯浦
江文瑞分防浦隘五千人皆入城固守王撫乃令饒廷選
率蘭溪潰勇六千援浦此辛酉賊入金華事也自賊入金
華後新調浙江布政使林福祥由弋陽募定軍三千同知
陳大力率新湘勇一千知縣張振新率新寶勇二千先後
抵衢時龍游雖無踞賊而衢杭陸路已梗城中兵勇數千
多貸食民間新軍無所得勢同水火有謂福祥遣馳杭省
同入囊中不若收陳張二軍爲左右翼從龍游水陸進攻
蘭谿逼金之前派衢軍出湯谿襲金之後使賊勢分則下

游之禍自解者林不聽各分隊抵金華與賊相持月餘會
李世賢築壘烏石方門圍副將羅大春於嚴州數旬八月
十七羅遁嚴破於是林張陳各軍皆奔至義橋爭舟以濟
久之乃移守諸暨其援浦之軍七月十四前鋒五百潰於
鄭義門廷選不敢進逾數日鹽運使莊煥文率千人至閩
省道員張啟煊率雲霄勇千人繞道處州亦至選乃整隊
再發五日行八十里八月初二再潰於鄭義門於是紹興
遂急時省中無兵可遣王撫令副將楊金榜率振武軍千
五百營於諸暨城南五紋嶺饒莊潰軍營城東金雞山及

城西七岡嶺軍資盡失僅築土牆三尺以蔽風雨文瑞知無援八月初四衝出走桐廬山中賊陷浦江遂分路犯諸暨會僞來王由浦江富陽山路出和尚嶺勾通八槩砲船渡林浦二十四日陷蕭山我方防南而賊已繞出北路於是林饒莊楊諸軍皆相繼回省二十六日賊陷諸暨知縣許瑤光死之諸暨失後紹興團練大臣王履謙方與知府廖宗元尋修小怨縱勇毆元賊至一鬪而散遂并陷上虞此辛酉賊由金入紹事也浙自辛酉以來湖州久困海甯僅存惟賴紹路可四達餉源所出至是紹亾省城遂困十

月初二賊自餘杭至慶春門繞清泰門楊金榜時屯饅頭
山開隊六成出擊西湖賊從淨慈寺遽襲其營戰死偽聽
王陳炳文於羅木營結五壘初五日張玉良偕文瑞諸軍
自富陽返破之旋復搶築遂合圍十門於清波門外及鳳
凰山夾木實土開礮圍擊十九日張玉良中流礮卒初王
撫故靳玉良餉嘗遣饒廷選就蘭谿殺之不果至時有謂
爲城內礮斃者乃以陣亡聞十一月城中糧盡米升值銀
一兩集錢十餘萬串無可購礮義倉穀七千石并殺馬驢
餉士初九日林福祥誤信望江門賊投誠出爲所敗武林

錢塘清波門外各營皆投賊二十八日糧盡潰散蓋守城已五十六日矣已刻賊由各門梯入巡撫王友齡學政張錫庚及文瑞饒廷選等多死之王友齡遺疏稱紹興失而杭州不守咎由團臣王履謙臣死不瞑目李秀成以禮殮王張文三人賞遣新舊藩司林福祥麟趾護其柩并眷屬親兵五百人送之上海十二月初一滿城亦陷將軍文瑞自焚副都統傑純暨滿城男女皆殉初三日賊遂破海甯由曠奉兩縣攻陷甯波當八九月時江西李元度安越軍八千閩總兵林文察臺勇二千俱已至衢一再接杭急報

頓兵龍游兩月不得達至時乃移屯江山顧衢閩餉道此
辛酉賊再陷杭省事也浙省一再陷後處台皆旋復旋失
惟湖州自庚申正月被圍趙景賢東蔽蘇常西障甯廣庚
申四月道員蕭翰慶率勇七千由常趨湖抵距城二十里
之同心橋潰亾遠近震動景賢畧無懼色逾月派練由鶯
脰湖梅堰兩路收復平望會軍米市湖進撲嘉興冬間賊
麤戰城下者四十餘日圍甫解復率練攻廣德援杭省威
名藉甚至省城再陷傳 旨棄城赴福建糧道任弗去壬
戌二月猶敗賊七里亭賊合長圍困之至五月初三糧盡

千總熊德勝通賊城陷凡守二年有半賊執景賢至敬之甚不屈又逾年乃就死此則賊困湖州三年糧盡城陷之事也省城再陷後全浙僅存者惟衢溫兩郡城及定海石浦龍泉慶元泰順而已時左侯未至賊由處撲溫并欲乘勢攔入閩境於是閩督慶端於壬戌二月移駐浦城奏云遂昌踞賊添集二二萬欲由龍泉抄出松溪犯閩境松陽之賊亦分途上竄總計兵力衢防有李定泰七千左撫進攻開化八千足爲聲援江山常山已派李元度八千扼紫井令參將薛師率閩兵千五百在峽口駐守浦城一路先

經派總兵閩長齡等節節防守江山浦城等處小路紛岐
又添募祝善銓等勇三千協防而龍泉松陽政和三路僅
有林文察等勇四千參將楊三益等勇三百尙形單薄松
政稍有疏失水路可達建甯陸路可趨福甯不但閩省可
慮并恐由建陽崇安旁竄江西截浙軍後路現檄同知趙
均添募興化槍勇一千并催曾元福臺勇三千馳來聽調
臣親軍不滿二千現移浦城尙恐調度未靈又賊猛撲溫
州秦如虎餉絀兵單恐未足當敵云云蓋時兵勇三四萬
月餉恆三十餘萬此浙陷後閩省防堵事也天心厭亂貞

元剝復壬戌正月左侯宗棠乃率軍由江西入浙初左侯於上年十月奉命以太常卿督辦浙江軍務越二月授浙江巡撫而省城陷上游全沒矣時朝命屢促左軍入衢而左懼爲賊長圍所困乃奏言現時旣不能循金明故道自廣德泗安安吉入獨松關直搗省城自當由徽歙窺嚴州爲根本顧欲窺嚴州必先復開遂以絕後顧欲復開遂必先扼華埠以通衢防方爲萬全惟臣軍除募未到外現不滿九千人分向遂安開化外隨戰不過五千人徽信兩防雖歸臣節制而兩處正在吃緊未能移動衢州李

定泰江山李元度兩軍李世賢由遂昌猛撲方急亦未可恃前奏調蔣益澧一軍非由廣東清給欠餉不能進劉培元新募一軍非由湖南給發行費不能來又甯紹台等淪沒非遵 旨迅購洋人船礮不足佐臣軍之不逮皆 嘉納乃設糧臺於玉山掃清歙婺前進溫處軍事由閩軍以堵爲剿台甯由彼處紳士募洋人辦理此左侯初入浙之事也壬戌正月十五左侯旣敗楊輔清肅清徽郡乃親率七營由汪口踰大鑪嶺進樟村令劉典率五營由江灣踰濟嶺進何村王開來率七營由白沙關進篁岸扼開化華

埠之衝各相距二三十里裹數日糧三十日肅清開化縣境乘勢趨馬金街進剿二月初九各軍分路攻克楊村卽夜拔遂安城派道員王文瑞等二千五百人守之二十日賊由淳安偏遂安城東五十里之梓桐源城北二十里之墩頭連日迭戰二十七日賊眾五六萬直至城東築壘布竹簽以阻我師我軍俟其懈衝擊賊大敗先時李世賢率巨股由金華龍游犯衢扼招賢一帶隔絕常山江山道路將以長圍拔衢州圖襲我軍之後二月十八左侯乃進軍常山之水南十九分左右路克復招賢李逆復調金華巨

股逼江山時李元度守江山乃率十營會同左軍分路進剿迭敗賊於碗窰清湖等處三月初五賊據峽口閩軍退守浦城賊下自清湖園花上至峽口鳳林連營數十里左侯以其地可達閩之浦城浙之龍泉江西之廣豐玉山最要十五日親率諸軍進江山之石笏十八日血戰於石門花園港等處二十一日諜知僞對王洪春元大股由衢州西北來援我軍有腹背受敵之勢二十二日復分軍力戰黃少春三傷不退連破七壘二十三日洪春元已至雙橋二十五日我軍一面進攻老巢一面迎剿援賊而賊已向

上台毛村回守龍游喉壽昌踞賊築壘於衢州東北之蓮
花一帶以抗我軍矣時賊以金華居浙省之中倚爲老巢
守龍游壽昌蘭谿爲犄角湯谿宣平徧布賊黨復大股屯
松陽猛攻平陽瑞安圖入閩境牽制左侯方剿衢北之賊
規取龍游楊輔清忽糾巨黨由威坪撲遂安大隊已抵遂
之界首東亭左侯乃令劉典由華埠馬金口抵昏口親統
大軍由常山駐開化四月十四賊始由淳安竄昌化而去
其時壽昌龍游之賊聞官軍赴開遂一路復上偪衢城左
侯乃令劉典復由華埠向常山赴剿五月初四我軍甫抵

衢城西北李世賢大股已由龍游蘭谿壽昌上犯於北路
夾口至盈川一帶連營三十餘里又於南路石室街安仁
埠等處築壘爲犄角其北路毘連遂開常等處與我軍相
接賊勢尤重左侯乃令處州鎮劉培元三千二百人進常
山調江西道員王德榜屈蟠兩軍進江山縣之後溪以防
石室之賊親率各軍由北路進剿又令李定泰等憑河堵
截東路安仁街之賊橫竄十二日我軍九路並進鏖戰兩
旬賊始回竄龍蘭六月左侯將進攻龍游忽報李世賢又
率大股由淳安至遂安之東亭左侯乃令劉典率馬步九

營卽夜由嶺路馳往遂安與王文瑞一軍協守又飛檄知府魏喻義帶勇二千由常山取道華埠馬金屯扼昏口防其上竄十八日李世賢驍賊數萬分兩路撲遂安城我軍俟其近城轟之賊方轉而南忽江西援師由僻路馳至賊乃大潰仍回金華此左侯初由徽甯復開化克遂安守衢州賊由龍游逼衢由淳安逼遂圖襲我軍前後者五六次血戰半年之事也七月十六左侯令王文瑞守遂安魏喻義駐昏口自率各營進剿龍游龍城小而固東南北三面平衍前此李元度守衢進逼城下賊開濠五道密排梅花

椿置犬繫鈴以防潛越自秋迄冬攻之弗克此次賊倚爲門戶并率黨數萬分踞南岸之湖鎮羅埠北岸蘭谿所屬之永昌鎮襄家堰等處互相犄角左侯乃令劉培元三千二百人進龍游城西十里之圭塘山以副將睦金城四營助之又調屈蟠王德榜兩軍扼全旺爲培元後援另遣總兵崔大光四營屯龍游城隔河北岸之茶壩親率各軍駐距城十五里之潭石望策應復遣按察劉典馬步十營軍高橋截剿援賊相持數旬未克左侯奏言臣軍除分防各處外可以雕剿援賊者不過五千人又疾疫相繼每接仗

不能出隊六成而賊南北岸互相牽制不得不審慎以圖
八月三十日李世賢糾黨五六萬復由永昌合壽昌踞賊
出犯上方嶺左侯以上方緊接遂安西通開化常山南達
衢城顧諸軍多爲龍游賊牽制正在危急適蔣益澧十七
營已抵衢城九月初六乃令所部副將熊建益三千人扼
上方嶺令總兵高連陞三千人由梅嶺直攻壽昌立將壽
昌城克復北路賊巢肅清維時南岸五里街等處悍賊尙
不下數萬其地又當龍游蘭谿之衝於是令蔣益澧全軍
渡河進剿劉典仍駐油埠爲後援二十六日羅埠賊酋僞

宗王李世祥乞降於是南路賊巢亦肅清左侯乃進駐新涼亭距龍游城五里濬長濠引溪水灌賊城以江西五千斤銅心木壳大砲用二十七八斤重開花礮子轟擊又令蔣益澧由羅埠進攻湯谿劉典仍扼油埠湖鎮以防金蘭援賊九月初十劉培元於龍游東門外寶塔嶺添設三壘俯瞰賊營賊連日拚死出戰率自辰至夜死傷七八百人其湯谿一軍蔣益澧會同福建調來之知府康國器粵勇三營亦連撲城垣未克適蘭谿賊譚星光率黨萬餘來援湯谿結八壘於江坑花園一帶距羅埠三里十二日益澧

三路敗之羅埠至蘭谿道路遂通時賊堅守龍湯爲金華門戶蘭溪一水直達嚴州无倚爲犄角木椿地鉞環濠數十里官軍距賊城壘一里半里而營大小數十戰數月不能克幸金陵大營頻獲勝仗蔣益澧無庸遵 旨赴援不至擊動全局左侯乃令魏喻義自遂安率二千人移屯建德之銅關距嚴六十里又率千人號召民團分拔壽昌之楊溪賊卡又遣劉典一軍力攻蘭溪以分賊勢十月十三嚴賊潭富傾巢來撲魏喻義先一日率軍潛由洋溪移鍾嶺下伏擊其前隊五百人後隊萬餘賊望風奔竄次日一

面退守洋溪以弛其備一面用降匪江山船總女王計遣
船潛下南門大河斷賊水道又派馬隊由北門繞過東門
斷其下竄適賊他往遂於是夜昇雲梯潛抵西門一鼓而
登巖郡既克金華右臂已斷於是湖紹兩郡賊酋僞戴王
首王梯王等率各黨自金華城西至酤坊開化村白龍橋
一帶來援湯谿連營數十里新昌嵯縣諸暨浦江各賊與
蘭賊潭星合亦自縣北將軍巖大慈巖至溪西一帶來援
龍游連營數十里顧兩城被圍數月食且盡李世賢自上
年由桐廬分水竄溧陽保護逆眷回救金陵又久已不至

於是勢漸衰弱癸亥正月十二龍游踞賊遂啓東門向湯
谿一路狂奔而湯谿先一日已經蔣益禮用降酋彭禹蘭
計收復矣湯龍既復金華踞賊聞風逃走其蘭溪城賊亦
於是日潛奔此左侯圍攻龍湯蘭數月不下旣而先復壽
嚴迨後三城同克金華不攻自走之事也四城復後羣賊
喪膽首梯戴三僞王由義烏退守諸暨譚星率蘭谿潰賊
退守浦江癸亥正月十八劉璈等自白馬橋克復浦江劉
典由牌頭進攻諸暨暨城枕山襟溪明師進取杭溫皆力
爭其地二十二夜黃少春掩至城外二十里賊大懼乞降

遂將縣城收復諸暨復後譚星一股由桐廬趨皖南圖掣我軍之後餘賊退竄紹興僞首王范汝增扼守義橋二十三日賊首何文慶由紹來犯高連陞正在抵禦東陽永康賊萬餘又啣尾而至連陞合諸軍奮擊追至應店街首梯戴三僞王乃由義橋登舟下竄其桐廬之賊先在沿江修築石壘熾甚左侯令劉培元陸軍合魏喻義水師順流而下二十九夜亦將桐廬城克復於是杭州上游爲賊屏蔽者僅富陽一城而已左侯乃疏言劉典追賊已抵富陽境當杭之西距省城僅八十里蔣益澧所部高連陞熊建益

已由臨浦義橋蕭山而前當杭之南距省城亦不過數十里若乘勝長驅杭州糧少城孤無難速克惟譚星一股已與花旗流賊合由於潛昌化竄入皖南必將勾結太平石埭諸賊擾我後路其僞戴王黃呈忠等聞已向富春渡江意在與李秀成合犯江北冀擾畿輔掣動金陵大局現飭蔣益澧全軍規杭輟其北竄之謀臣所部除分駐金華外俱隨臣進駐嚴州劉典一軍仍暫回嚴州圖清皖南并檄劉培元二營赴馬金街會王德榜軍相機截剿再由臣軍分撥八營扼紮淳安縣之港口茶園以遏淳遂之衝一面

申檄各營勿貪省城克復之功勿憚江皖紆遠之勢總以
殺賊多寡爲勞績高下自是取杭之勢在掌握矣富陽城
背山面江左嶺右谿西接七里瀧東屬錢塘江水濶壘堅
新城蕭山賊併萃其中以戰船數百艘溯流上拒二月初
六日左侯令副將楊建謨等率師船自桐廬分兩翼疾下
頭隊繞向南岸直攻中堅被脅兵勇投誠反攻於是駐營
南岸高連陞自義橋來亦自南岸上游渡江賊於西門修
卡又於城東北之新橋環築數壘爲犄角二十四日蔣益
澧移駐新橋田壠與賊隔水而軍并令高連陞熊建益爲

左右犄角賊大隊攻左我軍稍挫賊遂并撲中右益澧乃命徐文秀等伏於低田周廷瑞等佯敗誘擊高連陞復以大隊促之賊大敗會暴漲左侯以地勢遼濶後阻深潭難以趣戰又自富春江下潮汐甚大舳板身輕不能駛運乃調甯波水師布興有等艇船并令甯紹台道史致諤僱烏山船十二從鼈子壘入錢塘江助剿復令楊鼎勛駐守桐廬以通餉道又以新城屏蔽桐廬與富陽官軍相應令李錫駐守而益以魏喻義二千人布置甫定李秀成果嗾僞聽王陳炳文釋常熟昭文之圍急援富陽且糾集蘇常杭

嘉驍賊數萬由餘杭趨臨安襲新城以抄富陽官軍之後
大隊已踞觀音山口距新城三十里矣四月初一賊乘大
霧由永昌林谷抄出魏李兩軍挫衄遂麕集城下初二日
蔣益澧率高連陞由富陽上援楊昌濬率十營自嚴州至
賊始向臨安遁去方賊圍新城時城中糧僅百餘石楊昌
濬急諭以杭賊裹糧而來但堅守三四日援集卽退於是
人心始固其富陽賊當官軍援新城時由新橋出犯熊建
益敗之中洋鎗而卒高連陞於是退紮新富適中之地往
來策應初七日陳炳文率大股由桐嶺謝聖嶺至洪莊泗

洲一帶結壘數十里期與我軍死戰高連陞分左右伏禦之賊大敗時久攻富陽不下左侯乃疏言以全局論非重兵由新城臨安直搗餘杭不能扼杭城之吭而拊富陽之背惟徽休祁黟雖已肅清而賊由池屬建德犯江西饒景太平石埭等處尙多踞股臣軍馬步水陸僅三萬餘人劉典王文瑞兩軍之在皖者已一萬有奇蔣益澧全軍之攻富陽者亦一萬有奇臣復撥馬步水師助之其餘各營除分撥下游之新城桐廬義橋上游之淳安遂安衢州金華外實不敷調遣加以痢瘧相尋是以兵事尙滯七月杪江

西一律肅清劉典還歛是時左侯 授閩浙總督乃調康
國器粵勇馳赴富陽并請法國總兵德克碑用輪船洋礮
來助沿江上下形勢以城北雞籠賊壘十餘處最要可以
斷其糧道八月初六乃令徐文秀等陸師渡過江中橫沙
繞出富城之北攻雞籠賊壘德克碑由寶塔嶺腳登岸攻
倚城賊壘令劉清亮率新橋各營牽制賊勢蔣益澧親身
督戰江中拖罟廣艇連轟一晝夜城外賊壘悉平初八日
遂將富陽克復乃令劉清亮八營駐紮新橋王月亮兩營
駐守富陽益澧親率大隊進薄杭城十五里而軍此癸亥

左侯循浦江諸暨克桐廬血戰七八月收復富陽之事也
富陽旣克左侯方由嚴前進適皖南賊別股由績溪歙縣
過嶺冀爲浙援於是仍留嚴策應專委蔣益澧攻杭分遣
康國器魏喻義由富陽新城進取餘杭益澧調聞家堰西
興各營渡江冀以師船自駐留下前營直逼清波鳳山兩
門賊僞王陳炳文鄧光明汪海洋等於城外環建木柵并
喉餘杭賊死守爲犄角自倉前長橋女兒橋老人畝東塘
西谿觀音橋三墩縱至武林門外北新關橫至古蕩連營
四十餘里八月二十五高連陞合德克碑水陸并進拔十

里長街賊壘十六移營街之六和塔萬松嶺等處九月初
六賊萬餘由雷峯塔饅頭鳳凰九曜等山四路來撲我軍
水陸夾擊大敗之初八日朱明亮甯世杰進軍天馬南屏
兩山羅大綱進軍翁家山復派小船三十餘分布萬春廟
楊家橋何母橋梧桐村各隘以固運道其餘杭一軍八月
初九魏喻義等三路前進連破其花牌樓各卡拔青山老
巢直逼餘杭之西其東南故多賊壘尤以近城寶山塔文
昌閣兩壘爲要二十八日康國器劉清亮并克之遂移營
北岸斷其水道立浮橋據守汪海洋由杭來援連戰數日

皆敗之時苦戰餘杭未下而賊中有流寇花旗一股又由甯國入昌化至白牛橋及於潛之太陽埠其前竄廣德者復進據孝豐將爲賊援劉典七營行抵績溪叢山關又須分半軍回勦左侯乃奏言杭賊專恃嘉湖救應接濟而餘杭東南達杭北通武康德清西通安吉孝豐實爲湖杭衝要蔣益澧一軍僅能扼杭州西面餘杭各營亦祇圍其東南北路無重兵屯駐兩城往來自若而錢江東岸及富陽新城桐廬淳安遂安各隘皆不得不置兵防守顧臣暫駐嚴州僅千餘人無可分撥是以戎機尙難迅速賊於餘杭

東門至杭州倉前長橋女兒橋等處添黨欲由何世橋太平橋犯我餘杭諸軍之後乃令副將周廷瑞於天水橋叅將鄧受福於護國橋各立一壘賊連日來爭受福死之十月十八嘉興賊數萬來援杭州乘大霧由萬松嶺直撲官軍水陸抵禦大敗之十一月左侯進駐富陽初十日親至餘杭督戰增調富陽朱明亮四營進石門橋分水張聲恆四營屯城西北隅以副將劉明珍嚴州二營淳安二營移駐分水總兵黃少春克勇一營適由皖南調回亦出分水新城以扼其西路十七日各軍分路齊攻杭州援賊大敗

左侯督戰餘杭半月而北路瓶窑至倉前陡門一帶援賊益集乃自富陽進駐東西南三路適中之橫溪圖取瓶窑絕其糧道留楊昌濬暫駐青山令蔣益澧仍回留下圍杭十二月朔蔣益澧以賊併趨餘杭令高連陞德克碑水陸進攻鳳山門外賊壘親督馬步各隊列於錢塘門外秦亭山棲霞嶺一帶以防城內援賊自辰至午叠破賊壘追至城隍山腳次日各營分屯錢塘湧金鳳山清波等門直踞饅頭山雷峯塔秦亭山爲營圍賊中央又調徐文秀橫溪五營助攻古蕩初三日楊昌濬又以賊併趨杭州率各隊

猛攻餘杭賊大敗康國器將餘杭通杭州之姚家埭三家廟及太平橋各賊壘攻克進偪牛畝初六日劉培元又以西湖汊港紛岐易於伏賊令蔣榮彩拽舳板船數十由閘口過嶺入湖獲賊砲划十餘只二十三日餘杭各軍攻汪海洋老巢於城北十里之林清堰自辰至未弗克楊昌濬審視堰上見賊壘阻水港密林深來路長堤夾岸十五里恐日暮中伏急令收隊賊果悉銳來攻官軍死傷三百餘左侯奏言餘杭城不堅而地平衍多溝汪逆於賊酋中最狡悍進攻林清又環溪狹路此由臣未察地利致敗非戰

士之罪也甲子正月杭州官軍連日攻城不克二十五日
偵知賊援嘉興高連陞乃合德克碑拔望江門外三壘直
偪城下二十夜左傑令各軍環攻餘杭賊拚死抵禦營官
連喪數人然自是賊力漸竭又加以臘間海甯桐鄉先後
投誠杭州右臂已斷於是兩城皆有遁意二月二十一日
蔣益澧令水陸各軍分路齊攻杭城洋將德克碑轟倒鳳
山門三丈我軍死者百餘高連陞王聯芳皆裹傷久戰二
十三日益澧復親率各軍環攻至暮大雨不退是夜四更
陳炳文遂率黨潛啓武林門竄逸二十四日蔣益澧旣入

省城分軍移屯各門卽遣馬隊追剿是日餘杭賊汪海洋亦啓東門從瓶窑關遁羅大春追至平窑兩城潰賊正在回抗左侯已親率軍至乃再遁左侯乃遣各營疾驅十八里至安溪關關舊有礮壘在羣峯中賊半伏壘外半伏壘中冀俟官軍攻壘從後抄襲羅大春先搜伏賊而後進隘二十六日張聲恆等五營分路出安溪關追賊曉霧中伏傷亾二百餘朱明亮左右馳援賊始敗卻左侯乃令楊昌濬暫駐瓶窑爲各路接應并令蔣益澧分兵急攻石門德清規復湖州斷賊回竄之路此左侯自癸亥八月由富陽

并攻杭州省城餘杭縣城至甲子二月然後賊同時并竄之事也當杭城未下時海甯踞賊僞會王蔡元隆擁眾萬餘乞降左侯以甯城濱海踞省下游得之可與富陽軍南北合圍亟許之臘月二十七遣知州廖安之往受款派劉樹元張景渠各軍往裏外控制賞元隆四品翎頂改名元吉令率所部八營隨剿元吉自捐口糧兩月並出餘匪遣散資又以元吉前踞太倉曾僞款李撫鴻章害官軍四百餘慮其愧懼開誠待之吉益感奮甲子正月蔣益澧以桐鄉距海甯三十里爲杭州通嘉興間道必得此城始可圖

嘉興石門初二日令蔡元吉往剿助以張景渠各營初六日踞逆何培章乞降將桐鄉城收復餘黨編章字六營隨剿章自捐口糧三月并以舊轄雙橋烏鎮爲浙西孔道願率眾駐守甯桐旣克我軍方圖嘉興湖州賊王文金楊輔清等率黨萬餘來犯蔣益澧因令葉炳忠四營蔡元吉八營由嘉興回守桐鄉二月初七賊自陡疊架浮橋渡復糾大股攻烏鎮連營數十里官軍五戰敗之元吉被創不退時湖州踞賊急欲赴援嘉興扼於烏鎮不得達何培章七營分四柵築三壘居中守禦賊合十八僞王築壘圍之血

戰二十餘日杭城收復始退此杭城將復一二月間收降
海甯桐鄉兩城事也左侯旣克杭省卽進規湖州時餘杭
敗賊分竄武康德清武康無城地瘠而小然阻水憑二石
壘爲固當皖南來路與德清城皆爲湖州屏蔽石門界在
杭嘉之間亦慮其從後牽制乃令楊昌濬由甌窰安溪關
進規武康蔣益澧分軍石門德清李耀南馬步七營出孝
豐武康之間截賊竄路二月二十八李耀南拔箛頭楊昌
濬拔上陌進偪武康城時汪海洋陳文炳等賊十餘萬聚
德清皆西渡來援羅大春礮船百餘巡至黃洞與之遇急

德清皆西渡來援羅大春礮船百餘巡至黃洞直之遇急
將浮橋折斷賊不得渡三月初三日踞逆楊芸出降將武
康城收復令芸編所部爲桂字營隨剿初五日汪陳二賊
遁高連陞亦將德清城克復是日僞歸王鄧光明降石門
縣城亦復其黨并編爲數營三城旣復左侯令益灃進攻
湖州楊昌濬駐武康令駐守嚴州溇安各軍截剿逸賊十
五日逸賊李世賢陳炳文等由績溪昌化圖犯溇安遂安
十七日總兵王開琳以陸軍扼守歙嶺黃蔚嶺以水軍由
威坪街口沿河直上賊始竄遁其湖州賊自收復德清後
皆退守菱湖青山一帶附城二三十里徧築賊壘并與長

興泗安賊互相聯絡左侯令高連陞率蔡元吉由德清拔
菱湖規湖之西駐軍靈山劉樹元等由石門規湖之南進
軍荻港五月初十賊冒官軍旗幟來襲我軍卻之楊輔清
大股旬日之間與蔡元吉血戰六次三十日元吉用降賊
李得芳計燬袁家滙賊壘其石門一路當元吉苦戰時黃
文金大股由太湖塘楊漚以向軋村圖犯劉樹元後路五
月初九亦爲我軍所敗時蘇軍進至南潯賊屢由太湖塘
繞出林墟後路之陸家灣與抗二十四日劉樹元克太湖
塘楊漚各壘攻至晟舍於是賊退走泗安梅溪楊昌濬乃

自武康率營由箒頭進桐嶺扼守令劉璠三營周廷瑞六營由黃湖進白水灣直搗孝豐六月初三兩軍乘夜潛師踰嶺疾至立將孝豐城收復時安吉廣德踞賊與梅溪泗安賊相連絡湖逆倚爲唇齒會長興縣城已爲蘇軍克復左侯乃請蘇軍分攻泗安以牽制賊令楊昌濬於十八日疾至安吉城下以斷湖之右臂其蔡元吉自袁家埠進駐東埠後湖賊黃文金見其懸軍深入初十日大股繞出思溪雙福橋築壘截我餉道是處港多林密賊以划船數百四出埋伏軍至輒爲所敗連日弗能卻十日間血戰八次

蔣益澧乃親率各軍齊抵思溪督戰并令德克碑以淺水
火輪向雙福橋轟擊益澧戰馬中礮數次將士多被傷
卒未得勝七月初六益澧以思溪雙福橋難克令高連陞
徐文秀由袁家滙荻港分襲賊後并令德克碑小火輪進
泊八角亭連日督戰迭次遇伏鎗子貫高連陞右顴十三
日蔡元吉見賊悉赴袁家滙荻港隔水鏖戰先令五百人
向思溪突出至河遇賊死者四百是夜蔣益澧復率各軍
更番力戰以牽賊勢元吉乃率千人梟水三道衝出皆饑
疲無人色蓋與賊相持二十餘日營中食桑樹皮已六七

日矣其伏匿草間積屍下賊退始歸者復四五百人是日蘇軍亦克晟舍賊壘於是十六日思溪雙福賊皆退劉清亮移屯亭子橋進攻長超山左侯乃奏言湖州地勢易守難攻賊東據長超山毘山袁家滙西據楊家莊梅溪泗安安吉北踞廣德南扼妙喜峯和平兩鎮爲犄角現時蘇軍距湖最近者惟大錢湖口之水陸各營浙軍之最近者爲東路日月山各營此外皆距二三十里或十餘里蘇軍自克晟舍後西北路日事鏖戰李鴻章毅然以攻取廣德自任尤爲制賊要着惟查僞幼主洪福瑱自金陵復後於六

月二十一由東壩逃至廣德二十六日黃文金迎入湖城
悍酋積匪萃聚其中因七月初二戰敗仍避往廣德似有
急竄之意蘇浙兩軍自湖城北面迤東及東南一帶水陸
合成長圍惟西路山險地闊又安吉一城未復其毘連之
甯國並無防兵賊竄甚速恐防不及防又成不了之局幸
江西賊勢已衰臣軍之援江西者除劉典一軍尙在追賊
外其王德榜王開琳兩軍可就近調赴婺源馬金攔堵劉
明登各營現駐常山江山邊隘可移至嚴州截剿湖州之
賊倘能全股盪平自當會同蘇撫入報若僅收復一城則

當根踪追剿不准各軍居功維時城外各賊見我軍日盛

賊帥能全股盪平自當會同蘇撫入報若僅收復一城則
當跟踪追剿不准各軍居功維時城外各賊見我軍日盛
紛紛乞降七月二十七日城賊遂開西門遁竄矣此甲子
二月左侯復杭省收降武康德清石門進攻湖州合蘇軍
洋將大小數十戰逾半年賊遁始收復湖城之事也湖城
復後蔣益澧卽時率各營追賊二十八日抵梅溪賊已連
夜登岸僞堵王黃文金黨十餘萬奉僞幼主由甯國墩干
秋關黃花關以出昌化白牛橋譚體元黨三四萬由甯國
胡樂司小山羊以出涪安威坪俱謀竄徽其時安吉踞賊
亦於二十八日向孝豐竄千秋關楊昌濬收復安吉於三

十日疾驅七十里大敗之孔夫關八月初七楊芸斃黃文
金於白牛橋其弟黃文英代領其黨初八日黃少春自威
坪水陸三路齊出蜀口斬譚體元於洪橋頭獲大小賊目
百五十人初十日黃文英自蜀口凹出上灘爭渡黃少春
陣斬之十七日賊由歙境踰歙嶺至遂安之樟村黃少春
亦於是日馳抵遂之十七都十八日敗賊於東亭降二萬
人而賊前隊已竄入開化城另以一股趨華埠玉山一股
向七都球去矣二十一各軍收復開化次日出常山設伏
敗之於草坪關二十五又敗之於廣豐五都街迨後李世

賢汪海洋李維遠等奉洪福瑱竄閩竄粵左侯復移節嘉
應殲之事平左封一等伯肅清新疆晉封二等侯蔣益澧
劉典楊昌濬皆膺疆寄此復湖後收復安吉賊由皖南趨
江右闖粵我軍窮追一月開化失而卽復之事也當左侯
未入浙時處州旋復旋失温州金錢會匪亦入平陽瑞安
城擾及各邑爲秦如虎擊敗至辛酉九月處州再陷賊遂
屯碧湖大港頭連營數十里壬戌正月二十賊陷青田由
界籛疾趨七十里撲温秦如虎禦之賊連攻三日不克時
松陽賊陷雲和擾及景甯台州賊亦由黃巖至樂清之大

荆溫勢益急閩督慶端乃調吳鴻源師船二十隻來溫二月十七親至浦城調度二月十六青田賊至瑞安白沙嶺擾及河上橋張啓煊敗之於陶山隘三月二十五樂清賊大股至韓埠瞿溪撲溫州城并另股圍瑞安同日又分黨三四萬陷遂昌將山龍泉入閩李世賢方連日與左軍血戰於江山復率黨十餘萬來助林文察迭次敗之四月初二收復遂昌賊遂走松陽時瑞安賊眾數萬閩督令李朝安喜勇千五百并溫州師船堵禦十二日張啓煊營陷退守瑞安賊遂由瞿溪圍溫州城外結營一十里城內糧絕

守瑞安賊遂由瞿溪圍温州城外結營二十里城內糧絕
半月閩督復調曾元福臺勇千二百援瑞安守備邱光立
永春勇六百赴溫奏言賊撲温州并大股犯瑞安瑞與平
陽僅隔一江枕近福甯恐其沿江偷渡徑襲平陽以窺閩
境於是勇練之守瑞城者二萬守沿河各鄉者二萬四月
初十民團收復縉雲十二日水師扼瞿溪賊收復青田十
五日又用船入黃花關克樂清并復磐石衛於是賊解瑞
安圍遁其松陽賊閩督以其地遙應金蘭近衛處郡龍泉
門戶所關乃令曾福扼遂昌援賊令林文察進攻松陽之
界首時賊五股號十餘萬守洋淇馬埠舊市三壘爲犄角

文察十日七戰拔之以宣平賊抄我軍後不敢攻城賊復由桐嶺及澄頭金角山等處紮陣謀襲平陽時張啓煊在瑞安率沿江勇扼守遣船在飛雲江上下截擊連戰三日二十日賊復分股并犯温州瑞安兩城秦如虎半月八戰卻之六月賊另股陷景甯十四日陷雲和均與閩省接閩督令張銓慶督龍泉慶元兩縣兵團并調回松陽白瑛一軍由龍泉進剿兩城先後收復閩督乃令秦如虎由青田秦順進白瑛等由景甯雲和進同規處州又令廖士彥由衢州進駐遂昌爲後援促林文察迅攻松陽時左侯進剿

衢州進駐遂昌爲後援促林文察迅攻松陽時左侯進剿

方急賊酋喇天豫譚體元聚天福等眾九萬連營七十餘里將乘虛窺閩并圖旁襲龍遂越江山抄左軍後我軍連攻七十餘日弗克文察等所部臺灣勇五千槍礮精熟自六月初十連戰九次伏軍南坑奪其處州接濟糧械用獨輪車掛濕綿排推以蔽礮子連拔其舊市葉川頭等十二十日遂復松陽其處州各軍十四日秦如虎進至石帆至時文察復撥二千人與白瑛軍由大港頭進松陽民團并領號衣充隊二十日收復宣平截賊竄路遂於七月十九收復處州府城惟縉雲東鄉踞匪尙恃廬塘爲巢穴時慶

端移督廣東代者爲耆齡九月十四姜子豹克復廬塘温處遂肅清温處本非賊所注意祇因閩省大軍駐守浦城左軍又專恃衢州爲根本賊故以大股久屯松陽力爭平瑞以圖牽制及兩郡平閩兵猶萃聚浦城癸亥夏左侯接耆齡任始於閩軍二萬餘中裁存康秦林等八千人令進剿別郡此壬戌春夏間閩軍肅清温處事也其台州各屬專由民團克復初團紳蘇鏡蓉陶寶登吳琮等二十五人相尙任俠好庇邑中無賴爲瓜牙甯國設防寶登帶勇往堵戰守數載吳琮父爲賊殺復仇尤切辛酉冬賊由紹新

塔戰守數載吳琮父爲賊殺復仇尤切辛酉冬賊由紹新
昌岷縣入天台郡屬盡失蓉等乃集練剿賊先餉賊於要
津人饋一餅以覘其數又送賄入城以窺虛實十一月賊
復糾黨三萬入天台吳琮等練眾十餘萬大敗之壬戌正
月初八收復天台殺賊七八千四月初三民團復集收復
仙居同日并復太平初九遂水陸齊進收復府城初十收
復黃巖十五收復甯海由蘇撫薛煥自滬入奏權令各團
紳暫官其地然是處匪風至今未靖亦卽因之矣當天台
未復時鏡蓉寶登先復黃巖太平旋復爲賊破退駐黃巖
之三江口以礮船扼賊南竄之路壬戌二月十四寶登復

佯率死士四百抵黃巖降賊十九夜約三江口礮船內應賊大懼退守府城蓋是時閩左兩軍方大舉前進甯團又合洋人攻紹台州地處僻遠李世賢故不甚與較此壬戌春夏間台團收復郡邑之事也其甯波一郡賊自辛酉冬由紹入奉化郡屬盡失惟定海以隔海僅存時游擊布興有兄弟以礮船收潰卒七百至定海因守之壬戌二月二十四賊船至舟山直犯廳城甯紹道張景渠敗之四月初七甯波知府林鈞等率戰船由定海直指鎮海先募人釘招寶山賊礮火門民團集者數萬初九日寅刻復鎮海卽

日乘潮進取甯波時夷船多泊北岸洋界河下必俟賊礮
及其船始肯助我郡紳鄭義門乃許銀六萬兩於是洋人
應募出助自辰至申轟塌城垣十餘丈洋兵民團遂復府
城英國陣亡叅將水師等三人法國傷副將水師等十七
人陣亡二人我軍死百餘人於是專請輪船協剿十五日
收復慈谿民團另於十四日收復奉化十五日收復象山
甯境咸復張景渠乃率師進取餘姚赴上海募勇並邀外
國兵船及洋副將華爾在松江所練常勝軍會剿餘姚新
舊兩城隔水屹立賊於水隘下樁兩岸築壘固守我師船

初五抵岳江初六日冒礮拔賊木椿先克新城繼克舊城
遂復餘姚賊竄上虞八月中旬景渠方擬畫守餘姚江而
賊連日率大股由上虞來撲復分賊三路一屯餘姚境牽
制我師一向秦公嶺犯奉化一繞僻路於二十五日復犯
慈谿中外官兵遂一面扼守餘姚四門鎮一面折回甯城
守禦二十六日英總兵佺樂德克及副將華爾赴慈谿與
賊戰於距城二十里之半浦大西壩二十七日再克慈谿
城英將華爾中礮死其秦公嶺賊二十七踰嶺由谿口再
陷奉化知縣侯永清死之賊進屯南北渡距郡城四十里

閏八月初一復從小路至樑社距郡城十五里直撲郡城
中外軍合擊賊仍退守奉化十六中外兵船進攻奉化苦
戰三日再將奉化克復英兵頭那師及洋兵死十一人傷
二十餘人我軍死傷數十自奉化復陷台屬甯海天仙俱
偏賊氛閏八月東陽嵎縣賊屢由新昌偏天台民團二次
敗之閩督耆因遣游擊甯世杰楚勇一千秦如虎心勇五
百由甯海赴天台協防時四門鎮已陷甯波中外軍乃擬
向上虞以討爲防十月初一收復上虞稅務司日意格受
傷新昌嵎縣與天台上虞接壤上年團練屢復新昌迭爲

賊踞至時賊復由新昌煙山墅嶺兩路攻天台團紳敗之
再復新昌初八日乘勢收復嵎縣十一月下旬張景渠進
屯百官率中外軍薄紹興府城法將權華總兵勒伯勒東
以上虞賊遺土礮往炸歿我軍挫衄乃以法權副將達爾
地福代統花頭黃頭兩隊甲子正月初三達爾地福連日
以車輪礮轟城中鎗歿兵頭洋兵五人俱死東關百官蒿
壩諸軍並潰楊叔懌退駐斗門張景渠退駐三江城城匝
僅里許距斗門三里賊由蕭杭率大股來攻中外軍死戰
迭勝於安昌城會上海洋兵洋礮來剿日眾賊黨楊應柯

乞降遂於二十六日收復紹興獲助逆黑夷數十人二月
張其光乘勢克復蕭山時諸暨已爲左侯克復紹境肅清
蓋紹蕭相去百里孤城難守又長江水直下西渡將斷加
以數日前左侯連下金龍湯蘭堅城進至諸暨賊急救富
陽保杭省力難兼顧也當浙省陷後諸暨義民包立生據
包村阻水與賊死抗威名甚著後卒爲賊所殲左侯奏言
民團必須良將吏以維持之信然與時甯波洋隊較各營
勇餉加昂人多歸之中外月糜至八萬餘金左侯乃令浙
江提督葉炳忠及張景渠等進規杭省又以廣勇與外國

兵頭構釁奏請不必俟省城收復先將甯所練洋隊千五百人遣撤此壬戌甯圍合洋人肅清甯紹之事也其嘉興各屬蘇撫李鴻章收復蘇州後癸亥七月十二令編修劉秉璋進楓涇北官塘圖嘉興設浮橋渡河嘉善平湖乍浦等賊分路來援踞西窑塘亘二十里我軍十八日進西塘太湖水師兩營來會破其千窑柵嘉善城東鎮曰張涇十一月初四劉秉璋由張涇往破之秉璋傷股初七賊張殿選乞降收復平湖十二賊熊建勛降收復乍浦并復海鹽澉浦李鴻章疏言平乍海三城犄角與浦東金山接壤爲

滬後路浙省東北沿海之蔽今既收復應將降酋陳殿選
改名陳恩榮令率所部進圖嘉興於是進千窑洪家灘截
嘉善援賊進克平望二十八陳占榜降收復嘉善其嘉興
一路二十四侍講潘鼎新拔賊沈蕩壘二十六進屯新豐
及王江涇甲子二月連戰九次嘉湖賊十餘萬死抗總兵
程學啓率軍縛草膝行搶築護城堤圍轟守備姜寶督戰
不力斬以殉於是二月十八遂克嘉興戮僞王廖發受賊
悉遁湖州時左侯攻杭省垂破未能兼顧乃咨請李撫乘
勢剿湖李撫派郭松林三十營由宜興規湖之長興以潘

鼎新攻吳江平望分紮南潯震澤長興居太湖西岸距湖
州六十里與蘇之宜興溧水皖之廣德連界湖賊倚爲犄
角故先攻之以防其西竄於是又調太湖水師數營淮揚
水師四營由夾浦進剿長興又以潘鼎新南潯軍薄加派
聶桂榮水陸五營屯湖濱之吳淞賊傾巢來爭連戰五日
其太湖水師亦於三月初九日抵夾浦與賊戰於象公廟
斫葦填河破之并進駐湯橋烏溪以防廣德泗安援賊十
一日郭松林等進偪長興城十日七戰湖賊傾巢來援俟
其氣衰敗之架浮橋攻城二十四日遂收復長興蓋自六

其氣衰敗之架浮橋攻城二十四日遂收復長興蓋自十八

月十六金陵收復髮匪餘孽俱以湖州爲巢穴以長興可
通廣德倚爲生路故拚死抵禦也是時左侯復杭已由德
清菱湖進逼湖州李撫乃令劉銘傳攻泗安潘鼎新由吳
淞力爭晟舍大錢又令張樹聲由南潯進屯織里與浙軍
合圍湖州又以尹隆橋爲泗安通湖要路連日五戰克之
會賊遁七月二十七遂由昇山八里店合浙軍收復湖州
時李撫已封一等伯其後劉秉璋劉銘傳潘鼎新張樹聲
等皆洊列疆寄此癸甲兩年蘇軍收復嘉興與浙軍合取
湖州血戰數月之事也初左侯在江西勇僅八千月給餉

五萬奉命入浙時已欠餉六個月時擬添蔣劉諸軍二三萬月須餉二十四五萬上諭聞粵江西各協月餉十萬兩湖月餉三萬然各省力難兼顧先後僅得三百萬壬戌正月令知府鍾世楨設糧臺於廣信令知縣章徵設轉運局於玉山灘高水淺一舟僅載米十餘石惟玉山至常山可用小車餘皆挑負以前乃請部給封典翎銜劄付委員減成勸捐先後得各項捐銀百七十餘萬衢防穩固又令同知李壽榛設立牙釐局變通牙帖成案并官辦甌鹽運銷江西引地凡收復郡邑皆次第推行先後收釐金百

四十萬牙帖鹽課各十萬而各欸一時未能湊集癸亥臘
竟欠勇餉至九个月癸亥六月浙東肅清令道員王加敏
蘇式敬移廣信糧臺於衢州時甯紹月餉六七萬左軍所
部月餉三十萬乃奏請緩解甯波海關銀五十餘萬直至
杭省全復裁勇四十餘營又裁兵額十分之四而加半其
餉令知府高卿培增訂釐局章程將南北新關歸釐局併
收劃解又創行票鹽課釐併收每斤抽錢十二凡從前官
吏中飽之弊皆無所容奸又先後收新舊錢漕藩庫撥解
銀百有數萬於是稍足敷支共計左軍自辛酉十二月入

浙至甲子六月支勇弁口糧薪水六百二十餘萬軍械礮
火船隻六十餘萬勇練賞卹六十餘萬遣撤降賊三十餘
萬通共七百七十餘萬兩此左軍先後籌餉之事也李秀
成初入浙三日後卽禁止殺掠抽田租十分之二貨釐十
分之一按丁助役蘇杭初克皆發粟十萬賑撫借給籽種
招墾民頗安之及大軍進剿官兵迭相殺掠子遺遂少迄
今承平三十年而如於潛昌化臨安武康安吉孝豐等凋
殘之邑尙多率皆土着不及三分之一童生不敷學額左
侯甫抵開遂卽勻撥錢米賑濟三衢圍解奏定章程十二

條城鄉各設同善堂一曰收養幼孩八歲以下皆准收留
人日給米半斤鹽菜錢八文兩人共絮被一牀願養作子
者准援道光時成案給與執照宗族不得阻撓一曰收養
婦女教以紡織變價歸局願養作女媳者由官給與執照
一曰恤養孤寡由地保寫緣簿准其沿門乞食一曰收埋
茵絡掘塚深四尺者給錢二百一曰增鹽茶釐稅每百斤
加錢五百一增船稅每船可載百石者加錢四百一勸捐
祠廟義租三分之一一捐錢八十千至二十千者量給六
品以下功牌以上皆充善堂之用一販賣搶掠人口者斬

一詐索受脅紳民者罪一兵勇擾害閭閻者誅一屠宰耕牛者罰凡所復城邑皆著爲令由甌鹽項下邑給錢二百緡爲之倡及克嚴州又奏罰楊坊俞斌毛象賢等十數人以爲膜視難民者戒癸亥冬歸者益眾人將相食楊昌濬復創以商代賑之法收買銅鐵錫鉛茶葉並傭婦女揀茶以米給值以茶濟餉得銀四五萬存活頗眾省城收復卽嚴禁攜帶婦女器物出城杭城舊日居民八十萬亂後僅存數萬旗城無一存者乃爲義塚葬之岳王墳及淨慈寺之側又給民間籽種牛食蓆片招商開市並修葺城垣衙

署以工貨賑設立清賦局荒者招墾蠲糧熟者按稅則酌減三分之一舊日浮費悉省並提釐金十分之一永充善舉歲可二三十萬塘工係蘇杭七郡所關則於塘身內加築土備堤一道當時善欵以賊遺糧食爲大宗除散賑外尙得變價銀三十四萬餘兩而時有紳商胡光墉者以店夥起家大軍入浙繳還所領王故撫買米銀六萬左侯任之不數年富至千萬杭省復後善舉多墉所爲首復牛車舊制不致涉錢江者蹠躓泥中嘉湖蠶桑復業與洋人競價收買使絲價倍於往昔雖其家卽以此落而杭絲歲得

洋價二千萬受賜者多矣此事定善後撫卹之事也

論曰江浙地相表裏江南陷而浙江數年無事此天假我也使巡撫得人擇吏之膽畧者爲守令紳之謀勇者辦團防就保甲中選其驍健者爲練勇設立五軍以四軍分布衢嚴嘉湖境外一軍居杭策應以討爲防軍各數千人皆數月一易輪用練勇以習膽技而就約束浙省故有旗綠營兵五六萬亦分班置之防所巡撫不時往來其間以討軍實各郡衝要之地又令紳民徧築碉堡堅壁清野剔除鹽漕雜稅陋規酌抽釐捐濟用無事則防堵之氣常新有

事則團練民堡節節固守雄封千里雖屹立於分崩之世可也乃上下互以私情爲汲引復以私情相抵戾雖有管樂之才賁獲之技無由自見卒至省垣一再淪陷全浙邱墟雖曰天數亦人謀之不臧矣左侯受特達之知愛才如命士皆樂爲之用然血戰於開遂衢常者六七月頡兵於龍湯金蘭者又六七月力攻富陽者又八九月并爭餘杭省城者又六七月連中外鄰省之兵合剿湖州者復五六月而賊之逸竄閩粵者仍數十萬未得聚而殲之當時逆酋如李秀成李世賢陳炳文汪海洋譚體元黃文金輩類

皆濶達尙氣概狡計百出得人死力累戰不疲使爲我用儼然一良將也嘗謂人才之在下猶堤之障水久則必潰古今不百年輒一亂蓋以此也抑又聞之兵者機也機至而先得者勝髮逆雖淪陷十餘省而未嘗得濱海口岸與洋人相接甫得甯卽用黑夷數十守紹使非迅收洋人克復甯波則賊將以蘇杭絲茶之利爲餌藉其兵力船礮四出牽制甯波又明時倭奴熟道平賊之期正未可知也今者承平數十年矣回思致亂之由與平亂之迹輒爲撫往事而低徊者久之楊制軍昌濬故有平浙紀畧十六卷用

事而假借者久之楊制軍曰自濬故有平浙紀畧十六卷用
在
撫其大概著爲一篇褒譏悉依舊本立功將吏自有原書

浙江圖書館



浙江圖書館

齊

其大澤蒼魚一鏡靈燭悉如書本立也

浙志便覽卷之七

化州李應珏玉山著

浙中法事紀畧

光緒甲申四月十七中國既與法簽立和約越南歸法保護而法人乘和成兵弛之際突擊我閩省據我基隆襲我澎湖索償兵費八千萬佛郎克於是復

詔沿海申警

法兵船至卽行轟擊不必仍前讓其開砲在先時法帥孤拔率鐵木兵輪十餘艘專注閩臺另遣陸將取諒山進窺廣西邊境江浙洋面未暇肆擾適有南洋兵輪五艘奉

旨援臺孤拔乃以兵輪七艘邀於中途臘月二十九日
我澄慶馭遠兩輪自潭頭山洋面見敵避入石浦內港泊
於天后宮旁次夜四鼓我開濟南琛南瑞三輪亦駛避鎮
海口內殊正月初一石浦兩輪既沒而法仍欲甘心於鎮
海三輪於是遂有攻浙之舉時浙劉撫帥秉璋駐紮省垣
甯波海防奏委浙軍門歐陽提督利見督辦而營務處則
任之甯紹台薛道福成薛察得甯郡之水由府城六十里
東出鎮海縣城其北岸爲招寶山南岸爲金鷄山兩山夾
峙如門外復有虎蹲嶺游山兀峙於前爲七里嶼再出則

爲蛟門金塘蛟門西南入鄞西北達紹全浙之關鍵也。金鷄山前海中錯出石磯名小金鷄與招寶山安遠礮臺石磯相對除兩旁淺處四十丈外其行船深處僅六十丈潮長時水深二丈七尺退僅二丈乃命甯波宗府尊源瀚杜倅冠英分任釘椿沈船之役每丈許用長三四丈圍四五尺之木百條聚作一叢上箍以鐵入泥各二丈中留船路十五丈布水雷二三十枚作一二三四疊形以防撞進凡木二十一叢費萬餘兩又用寶順輪船一隻二丈餘大民船四隻載石停泊口門俟緊時沈塞船路另雇民船二十

隻載石泊於椿縫以固椿力費二萬餘兩又商請錢玉興
鎮軍於梅墟上下游兩岸礮臺派勇堆築土堤南岸至十
里舖東石橋橋長十里北岸至十里舖西清水浦長七里皆
高八尺寬二丈走馬牆高六尺并多開礮洞以便轟擊於
河下橫釘三扛竹挂巨網以杜偷越浙提督又以金鷄之
南小港口笠山等處地平海濶從前鄭成功英吉利皆由
此登岸孤危可慮乃遷小港口鎮遠礮台大礮九尊分置
烏沙岡沙蠟嶺兩處於鎮遠四旁多埋地雷誘敵招寶山
威遠臺前面三合土故厚六丈後面因海淺頗形單薄乃

於前面用蒲包堆土一丈一尺後面堆土二丈金鷄山台
用麻袋堆土一丈六尺并圍以籬笆作竹叢形楊鎮軍岐
珍又於鎮城東門外築長堤一道并由局購棉絮二千餘
牀棕薦三千餘條俾臨時將各礮台一體遮護宗府又以
油簍實土可禦礮彈購簍百具布於招寶臺上壁壘旣固
復自鎮海城外安置陸路電線沿江岸至郡城長三十九
里又自城北岸至南岸水線一百丈費二千五百餘圓歸
併甯商電局經管每月津貼三十圓其梅墟營亦一體安
線於是軍報遂速又查知向領執照甯口引水洋人二名

參照民國定海縣志故
實志有清代之對外交
涉案

日必得生曰師密士乃按月給銀三百圓令其不得領敵
 入港會法雇二人已有成議乃再給五百圓於是敵引遂
 絕甯郡仰給外處米石歲須一二百萬此次既增二十餘
 營之餉港口又漸阻塞乃請撫軍奏蠲各省米釐內河商
 販雲集於是糧食遂足然甯鎮者浙省之藩籬也定海者
 甯鎮之屏蔽也定海孤懸海外雖經成府尊邦幹貝鎮軍
 錦泉率勇五千於蟹箝門竹山門抵廳城一路徧堆土堤
 藏礮堤下修飭西皋嶺姚魯螺頭毛嶺曉風煩河長春西
 碶青亭等九卡各口釘裝三扛漁網并繞五奎山加築土

前台州府知府

城五奎山。獺山礮臺釘巨椿兩層築護土三丈濠外設立木柵。然自五奎山東至十六門轉大渠門。又循山而西至螺頭門盤拱山。皆水深十五六托至二三十托。五十托港面濶十餘里至六七十里不等。旣無塞港之法。又無能援之兵。加以五奎山挺峙海中。寬僅里許。又徧山石質不能鑿穴藏身。敵若在吉祥門外。以礮對擊五奎。潰則廳城瓦解。其何以守。薛道乃查得道光二十六年中英立約。其第四款有英國保護舟山之條。令幕友楊楷撰英宜保護定海說。繙繹洋文。寄倫敦新聞館刊刻。英果令駐滬總領事

與法使巴德諾脫密訂不犯定海甯波城內向有天主教
堂數處爲法浙江通省主教住址教士數十人時訛傳教
堂運藏大礮人心惶惑又定海教堂七處教士日率入教
華民二千分班操練潛往各卡探聽軍情心尤叵測乃照
會代辦法事之英官威林飭令一律遷住甯城北岸守以
洋界之衛安勇定海教士趙保祿出語恫喝屢援仍准保
護法國官商教士 上諭由總署查詰率折以嚴辭適
有温州教堂之案遂歸約束并遵教士出口暫時不准復
進之約其後杭省亦照例一體遷移自五六月來文武各

官日夜籌畫至臘底守禦甫備而寇氛亦漸迫矣時浙提督率本標千人駐金鷄分楚勇二千五百防南岸鎮軍楊岐珍駐招寶率淮勇二千五百防北岸鎮軍錢玉興率衢處練兵暨淮勇二千五百扼甯波至梅墟育王嶺牆下潭等隘并策應南北兩岸守備吳杰專管北岸威遠靖遠鎮遠三臺元凱超武兩輪暨紅單船五六隻專在樁外停泊凡軍政由提督發令主謀則歸之營務處其佐理營務則府尊宗二府杜也臘月除夜南洋三輪慌忙躲至乃徧諭百姓安靜無恐分咨各營準備水陸兵弁有離次者許紳

民捆拿正法。電致撫軍嚴飭南洋三輪在口內協守。倘再移進白家埠一步。卽并前參辦將鎮海之虎蹲山七里嶼。定海之小龜山頂嶼。心腦各塔燈。又鎮海口外金塘山南之紅色警船。石碇。金塘門內鵝礁上及虎蹲山尾礁上之黑色警船。鐵游山東北角。夏老太婆礁上之紅色警船。木椿游山礁東及小游山淺灘角之黑色條編浮球。一律撤去。照會英美各官。以所留船路已閉。無論何船。偶有駛近礮臺。致被轟擊。及爲魚雷觸壞者。與本官無涉。蓋從前祇派安旅輪船在游山停泊。迎詢來船。懸掛旗幟。遇有法船。

法安船輪船在湖山停泊迎詢來船懸掛旗幟遇有法船

即由七里嶼遞相傳示虎蹲金鷄准備至此乃認真封口

也然不及兩旬而各洋官已多方刁抗矣十五日已刻孤

陽曆三月十一日

拔以兩鐵甲兩兵輪一木輪排列游山外楊鎮軍在招寶

山首先望見傳令作備未刻孤拔親坐小輪進測水道我

礮臺

軍擊之幾中申刻以大黑艦直撲招寶礮臺我軍頭礮中

南瑞礮臺

其船身二礮中桅三礮中尾南洋三輪亦擊中兩礮黑船

遁三法船繼進連放排礮我軍亦開排礮抵禦乃俱退金

塘山距鎮口三十餘里於是電致上海英使令設法驅逐

蓋十四日使曾電詢法人有無估駐普陀其地為定海所

用濟一彈擊中孤拔所坐
之船各船乃相率退出
在於遊山下拋錨

屬例應驅逐金塘事同一律也三月十日十六日大霧提督飭南洋

名安康

吳統領撥舢板六隻格林礮六尊洋槍六十枝在樁外巡

護是日戌刻法果放魚雷衝波而來我軍奮力并擊霎時

遂退三月十日十七日電商杜二府仍留寶順一輪勿沈恐口門全

堵先自坐困也是日己刻法復以大黑艦撞進虎蹲山北

直攻招寶礮臺我軍一礮中其烟筒再礮中其船桅後船橫木

下墜壓傷兵頭一人南琛南瑞復從旁擊中三礮穿其後

艙法船急放黃煙收旂轉輪是夜薛道電稟楊制軍謂孤

拔疊創勢必將留臺法輪四艘調來請飛致劉撫銘傳急

費員營官即費金綬字毓
卿吳江人見薛福成蛟川
奏凱圖跋

攻基隆絕其煤路三月四日十八日提督令吳統領置三千五百磅

鐵錨三兩分繫於開琛瑞三輪之尾俾船首不致隨潮內向以收

馬江覆轍十九夜法人用黑白兩舢板圖登南岸潛襲港

口礮臺適健左旂費營官率勇放哨瞭見乃伏嶺下伺其

近岸縱排槍轟擊沈其二舢三月廿日二十日天明法人復以小輪

撞進虎蹲山我礮臺即時擊退是日聞孤拔在上海雇覓

向領執照甯口引水之英人挨化德人勃倫乃電請撫軍

委上海邵道龔道專辦杜絕引水之事三月九日二十三日電給英

美兩人銀二千兩令出具不得帶領法船保結又電請撫

軍照會美使令將法船引水之美人根甯汗撤回嗣美使

以其人自願出籍不能撤回對三月十日二十四日聞小港有法人

登岸買物飭各營派人改裝偵探又聞法人十艘已全離

臺北再電劉撫急攻基隆三月十三二十七日薛道電囑各營謂馬

江基隆石浦鎮口法人皆以朔望前後三二日乘潮汎來

攻近日必有惡戰宜備是日亥刻孤拔果以大白鐵甲船

向南岸及提督營轟擊十餘次小港礮臺被中三礮外石

牆及竹泥礮房傾圮餘彈皆嵌入麻袋不發提督前飛彈

重二百六十磅并未傷人三月十五二十九日又放九礮無一擊中

提督率諸軍從容抵禦人無懼色二月初二三月十九探悉孤拔懸

卹賞六萬雇引水人不得初三日薛道親蒞鎮海勞軍適

法船退泊金塘惟一大艦前泊倚游山爲障乃商請錢鎮

軍潛運後膛車輪礮八尊伏南岸清泉嶺下轟擊五礮到

船傷敵頗多法船亦開礮回擊彈落水田我軍旋即收隊

孤拔即因此受傷十二日三月廿六薛道電致總署請向日本申明

局外公法不得接濟法人煤糧又聞法船屢在大叢山以

重價寄電請飭盛道訂止大北公司阻其消息十五日因三月廿七

各國洋官強欲進出屢肆咆哮仍准永甯宜昌等輪船日

四月

間在虎蹲山起卸客貨二十一日撫軍電知中法和議已

成總署飭令鎮海塞口石船宜酌量移開於是將未沈之

寶順一輪拽進仍留火備敵四月初二薛道電稟李傅相

鴻章稱本日法李提督致函提臺謂和議尙未畫押甯口

糧械尙須扣留甯船開出仍要放礮宜仍暫塞口四月初六日

再電傅相稱滇粵各軍既將所得之諒山撤退法人亦應

將基隆澎湖交還始議詳約鎮口法船亦應早退否則我

軍躍躍欲試恐滋事變二十九各洋官照會開口如需時

日由伊請滬上營造司來辦三日竣工三十日法船奉

旨堅欲進口仍以水雷未盡撈起。照請緩入。於是浙事遂平。四月乃籌畫善後之策。謂鎮海各礮臺大礮皆不能攻及十里北岸威遠臺爲前楊制軍昌濬所築。費銀三萬八千餘兩。臺中大礮除舊置德國博洪廠二百四十磅子螺絲鋼礮一尊外。餘亦無可以洞穿鐵甲者。此次法船停泊金塘距小港四里不能擊之。遠徙可惜。亦可危。宜於小金鷄及招寶山之安遠兩臺添置二十一生的克鹿卜礮各一尊。威遠添置二尊。另置百二十磅子鋼礮六尊。皆開前後礮門。礮牀或用兩頭千斤柱鐵路六條如輪船礮架。

式或用當中千斤柱下安旋轉鐵路務使前後可以攻擊不致蹈馬江覆轍又小港口爲南岸最易登陸之區舊建鎮遠礮臺僅費六千餘兩頗嫌單薄小港東北半里之笠山舊僅有明禦倭礮臺一座尤嫌湫隘俱宜加築堅廠置二十四生的礮各二尊二十一生的礮各一尊八十磅子銅礮五尊礮臺前面鐵板須二尺厚硬木須四尺厚其小港口至金鷄山地形散漫宜於北面濱海一帶令營勇堆築寬六丈高三丈土隄一道南面濱海一帶築寬三丈高一丈六尺土堤一道笠山礮臺須於堤內再築土牆一道

使臺身隱於堤牆之內，四旁多堆土，埠爲疑臺。沿堤栽種竹柳，蔽敵瞭望。蓋笠山地勢較招寶尤爲當衝。招寶自虎蹲以北，淺沙礁石相間，惟中泓深處可容輪船。卽南面亦祇容一艘直駛。鐵甲難近。笠山則八寸厚鐵甲可以萃集。須置三十一生的六百磅子大礮，方能穿鐵甲於十里外。捍蛟門金塘內，顧虎蹲招寶也。經費統計新造笠山小金鷄安遠及修築招寶小港等舊臺，須費二十萬兩。添置招寶百二十磅子礮六尊，需五萬兩。添小港八十磅子礮五尊，需費三萬餘兩。添置笠山三十一生的礮并元凱超武

兩輪二百磅子礮三尊哈乞克斯五管格林礮十六尊需費十三四萬其四十五萬分年可辦。撫軍多如所請。自後甯口有事以笠山大臺爲第一重門。戶招寶威遠臺爲第二重。小金鷄及安遠爲後路。輔以椿石水雷。連環呼應。可以永固矣。是役也。浙中并無星使督辦海防。祇賴提道與各在事。堵拄其間。與敵相持四五十日。和議乃成。又閱三月乃退。皆屹然不動。當六七月時。薛道曾致閩相敬銘書。謂法人無理。取閩兵頓財。彈餉再堅持數月。則法國紳民必將歸罪。始議之人而罷。又謂中法業旣開戰。我出使曾

侯紀澤早離法境而法使巴德諾脫尙留駐上海偵探召募接濟散布謠言聯絡與國聞巴酋爲法相斐禮死黨實與孤拔二三人堅主戰議若按公法以禮拘於河南腹中之地徧告與國許和成釋放彼必大沮又屢致書總署謂中法開仗和議已廢應令傳教法人一概出境以絕奸黨并照會各國謹守局外之約毋接濟煤糧飭大北公司毋傳法電又再三電請閩臺乘虛急攻臺澎說弗行時浙勇共六十餘營其經費浙中取給鹽貨絲茶各數十萬甯定六邑勸捐二十二萬合之甯郡絲茶洋葯鹽店錢當牙帖

又三四十萬既無部撥專餉亦不借貸洋欸至其中調和將士方事之殷軍士相忮幾列隊交闕專賴道府消彌痕跡於無形用收師克在和之效而驍勇將弁之藉保全者亦多矣

論曰中國禦夷始則重開邊釁誤於遲迴繼則旋戰旋和

坐失機會而其錯尤在各軍觀望不肯互相救援是役桂

省防邊兩年至癸未正月寶海渝盟在天津定八月滇桂

兩撫始出關觀變仍欲勿深甲申四月和成又至七月閩

台被害始決計進剿而當劉永福失山西時求救於黃桂

台被害始決計進剿而當劉永福失山西時求救於黃桂

蘭不應及北甯陷劉亦弗至當王德榜困谷松時乞援於

諒山軍後到及諒山破王亦遲來固前車之鑒也諒山捷

後論者謂遲和一二月北圻固可望肅清各夷省皆通馮子材願響應

即留劉永福不撤亦足據保勝為滇屏蔽保勝西通十州山險千餘里久

附劉劉用兵進退整散不常專以地營制勝同治季年後疊挫法人乃計未及此當時余曾

自營赴 關請以彭剛直公駐紮牧馬滇粵邊境適中奇險策應馮

劉兩軍令於諒山宣光兩路號召越民且耕且守以敵來

去為進退使法人有取越之費而不能受得越之益中所

陳處置法國官商教士杜絕接濟探聽練兵築壘諸事與

甯畧近

其加抽洋藥裁撤長夫創鑄銀錢後與政府適合

會和成

留覽今者聽

鼓浙垣私纂各省形勢兵事等便覽適得

薛道福成

浙東籌防

錄四卷用掇集中事實次為一篇其列憲稱爵稱名則竊

比平臺紀畧之例也

參看王彥威輯清季外交史料卷五十四江督曾國荃

奏南洋開濟南琛南瑞等輪隨同浙營抵御法船

慶鑿戰情形摺

浙

浙志便覽卷之八

化州李應珏玉山著

浙中明代倭寇紀畧館

光緒甲午倭兵數萬入朝鮮我國亦遣兵往觀變六月
倭擊截我軍於牙山海口尋遣軍數萬陸往又潰於平壤
臘月倭遂入我邊境進鳳凰岫巖海蓋逼盛京又破金
復襲旅順踰海陷威海衛扼我南北洋咽喉論者謂一隅
之變事勢遠不及髮匪久與之持其敗立見當道體好生
之心恐厘慈系不欲究武一再遣使議和弗成不

得已乃割臺灣一省并遼陽金州復州東至旅順口七州

縣

後遼陽七邑
三千萬贖還

又賠銀二萬萬兩增重慶沙市蘇杭四口

通商并訂因倭獲咎諸臣免罪乙未三月與倭和時沿海

申警浙中溫甯乍三口暨內地營勇三萬餘月費餉械近

二十萬部撥五十萬又鹽每斤加價一文可二十萬兩餘

胥由紳商報効綜費二百萬論者幾謂倭燄鴟張實亘古

所未有矣然考上虞志載宋倭奴至上山鄉土人柵木拒

之今謂之寨嶺明自洪武以迄萬厯倭患幾與之終始其

時江浙沿海以承平之兵當致死之寇亦所在多潰惟朝

時江浙沿海以承平之兵當致死之寇亦所在多潰惟朝

時江浙沿海以承平之兵當致死之寇亦所在多潰惟朝
廷等之若疥癩未嘗斷腕絕脛竭盡其膏髓以求不藥之
愈故雖糜爛徧於四肢皮毛而元氣未甚傷損也茲謹就
明代浙中倭事據各邑志所載畧一詳之考洋人輪船見
自嘉道盛於咸同明代未有輪船海面須視風而動其沙
線亦微有不同倭遇北風多則犯廣東東風多則犯福建
東北風多則至韭山大陳積谷邳山大鹿黃大畧進黃花
犯温州或進烏紗門普陀犯定海或徑由韭山犯象山昌
國台州若正東風多則至西畧壁下陳錢分艚或由羊山
之北犯青村或過南沙犯長江若在大洋遇風東南風則

直犯淮揚登萊大抵清明後東北風多倭來恆便若過五月風自南來至每不易洪武二年三月倭寇蘇州五月寇温州中畧玉環台州甯波四年復入寇五年遣僧祖闡往諭其王良懷遣僧同來貢方物七年復寇沿海各邑十六年寇温之金鄉小鑊永樂二年寇甯之穿山四年太監鄭和統師下海以倭王源道有捕海盜功賜金印封其鎮山碑而銘之予勘合令取道甯波十年一貢九年復寇台之松門温之沙園嘉之乍浦宣正成宏間又節次來貢嘉靖二年五月倭使宗設與宋素卿在甯波互爭真偽宋本姓

二年五月倭使宗設與宋素卿在甯波互爭真偽宋本姓

朱幼鬻於倭以曾充貢使賄太監賴恩坐於宗設之上遂
相讎殺追兵過上虞直抵紹興城下沿途焚掠温州指揮
劉錦戰死三年再犯乍浦十六年福建逸囚百餘入海歛
人許棟李光頭輩引倭巢於霽衢之雙嶼肆出劫掠二十
七年巡撫朱統遣指揮盧鏜入港擒許李二酋徽人汪直
收其餘黨仍據烈港總兵俞大猷破之走泊馬蹟奸民王
五峯復親至倭國多方招引於是餘黨復盛而同時徽人
徐海麻葉陳東輩亦據柘林八團川沙霍諸處列柵拒守
煽倭徧擾浙境官軍當之輒潰二十一年倭船二艘由瑞

安至永嘉之長沙乘划登岸旋入台州紹興直攻杭省官
軍載藥酒佯爲所掠毒死頗多二十四五年又犯乍浦至
包家埭三十年寇上虞縣之烏盆隘三十一年陷臨山衛
三十二年又大舉數百艘至沿海各省數千里皆警又犯
瑞安至温州由陸趨仙居至天台抵嵎縣另三十七艘自
竹林廟入數陷海鹽乍浦平湖嘉善崇德今石門縣掠嘉興府
城指揮滿朝典史喬登父子皆死之十一月其黨林碧川
又寇瀝海所城百戶王守正張永並死三十三年正月倭
黨蕭顯自江南松江入浙西至海鹽叅將盧鏗追之由赭

山渡江至曹娥瀝海餘姚九月其黨林碧川洗南山又自

山渡江至曹娥瀝海餘姚九月其黨林某入沈南山又自揚子江入浙境東及瀝海上虞又另股自王江涇掠烏鎮新市菱湖攻湖州府城趨含山至石門於是浙中主客兵五萬防剿浙省田每畝抽餉一分二釐兵月給銀五分其年二月工部侍郎趙文華請禱海神殺倭從之趙至公私搜索益形困苦三十四年四月倭自淞浦至錢倉白沙灣掠海甯趨樟川復至上虞東門渡江徐海麻葉又統眾數萬疊陷乍浦攻平湖築臺焚煙薰守者目趨海甯薄塘棲逼省城掠新市橫塘雙林攻德清長興又另股趨皂林出

烏鎮戕遊擊宗禮於崇德敗巡撫阮鶚於桐鄉圍之江南
松江之倭又大敗趙文華於磚格又遵陸自長興廣德突
瓜州揚州逼南京十月復分股自樂清登岸歷黃巖至奉
化餘姚上虞抵嵎縣乃敗之十一月淞浦賊復自温州下
海登奉化犯餘姚入四明山掠避難諸戶盧鏜戰於千斤
嶺賊走上虞之西龔家畝復至上虞東門由北門外渡江
去其年以倭陷城池誅前浙閩總督張經等三十五年盧
鏜復敗賊於夏蓋山之江海洋八月在台之倭又自仙居
出柘溪楓林奪舟渡江至樂清蒲岐登岸據龍灣掠永嘉

出神溪楓林奪舟渡江至樂清蒲岐登岸據龍灣掠永嘉
場十月在閩之倭又犯瑞安指揮韓嵩瑞紳王德戰歿其
年倭大股犯江淮詔趙文華視師胡宗憲督浙江軍務八
月以勝倭功趙胡皆加太子太保二十六年胡宗憲因去
年俞大猷大破倭於王江涇於是賄徐海妾紫雲翠翹給
海縛麻葉陳東以獻遂乘間攻斃徐海其餘黨仍自定海
由陸趨鎮鄞歷奉化甯海至台州與官軍戰於兩頭門是
年汪直亦就款定海求互市三十七年四月十六餘倭又
自台州歷仙居經楓林出奪舟於千石羅浮江滸徑渡外
沙朱村登岸圍温州東門十七日倭又另率數十艘從金

盤入黃花厯樂清磐石再犯温州南門十九日又另股攻陷仙垌鄉分犯四境殆徧二十三日倭犯永嘉本道袁祖庚自甯村回救遇害五月初十倭破甯村叅將張鈇死之五月十二始陸趨瑞平向閩福甯出海戚繼光尾之至海沉其一艘三十八年斬汪直於杭州初汪直母妻下獄胡宗憲與之同鄉出而厚撫之會甯波庠生蔣洲陳可往宣諭倭國憲令並招汪直至時戮之四十年倭又寇甯波温州會建甯連江諸賊陷閩壽甯政和宣德等縣萬厯二年仍再犯甯紹台温十年又入寇三十七年四月仍入寇以

上皆各郡邑志所載浙中明代倭寇之大畧也當時禦倭之策洪武初籍方國珍舊兵十一萬於浙中設六指揮統領衛所屯田防剿然積久情生多見敵卽潰厥後戚繼光俞大猷等皆以新練數千人制勝而敵鯨鯢忽疲於奔命必引之深入得痛剿然後彼有所畏其最善三策一嚴下海之禁以杜接濟一徧設沿海衛所城垣以資堵截一分哨互擊以聯首尾以三四月爲大汛屆期嘉湖兵出三關紹兵出竊山臨山觀海三江甯兵出鎮海昌國象山台兵出新河松門溫兵出楚門磐石金鄉敵若由玉環橫坎

岸又不敢深入久之財殫商滯不逾年亦必就款也

論曰

今日防倭與明代本不相侔然敵船雖堅伏礮山隙俟其
近而轟之無不破也敵彈雖遠隱身坑陷誘其至而攻之
無不潰也敵人鄉導樵汲購辦無一不須漢奸厚撫一二
而用之彼誅一人則眾人倒戈機會無不可乘也即使我
戰暫北而退一步守一步專與之持久彼商滯財殫分布
則兵少久據則懈生亦終必求我和也頃者禦倭兵非不
多也台非不堅也水雷魚雷非不眾也鐵艦兵輪非不堅

且厚也乃始則逗遛觀望繼則前軍禦敵後軍先竄則多
兵反以致敗矣台上之砲未聞一試水雷所在數百未聞
一發甚且舉數千萬鉅款所置之巨艦而盡降之敵人則
船礮反以自攻矣且夫赴敵者兵勇也其率兵勇以赴敵
者哨官營官也而身臨前敵使營官哨官懷我之德畏我
之法不敢不率衆以致死者則在統帥也今雖有賁獲之
勇孫吳之畧必幾經營求而後用之營哨之間用矣又弗
與一見上下隔閡等若弁髦臨戰則大帥飾辭先退部曲
以下皆得藉以寬宥如此而欲其懷我德畏我法致死於

敵者未之有也夫荆軻聶政古不愛死之士也而無以結其心而盡其長亦未嘗輕以許人也抑聞之兵所以衛民也乃者前敵郡縣或駐勇數營數十營而其治民之官則仍舊畀以中才老成寬大不必貪黷比也而欲其固結民心實行團練以戢悍卒之騷擾以備官軍之後勁以防潰勇之剽劫不可得已光緒甲乙間浙中防倭余屢承當道不以菲才謙衷下問曾舉明代倭踪所至以對然親先前敵相機審變廣求豪俠精選守土實掾時方畧也今和暫成矣修爾車馬用戒戎作竊願撫篇什而三復之



浙江圖書館

浙志便覽卷之九

化州李應珏玉山著

浙中明末義旅紀畧館

光緒乙未 朝廷既割臺灣與倭議和而臺民誓死拒守
相持雖僅六月惟其識則愚其心良苦矣當上下泄沓之
時幾不知君臣之義爲何事而每當革命之際往往一夫
倡義萬衆響應皆不惜側踵焦原行其心之所安陽樊違
晉太原拒金皆由聖教之涵濡所謂凡有血氣者莫不尊
親也浙中當明祚之末義旅紛起螳臂當車而我 朝於

勝國死事之臣輒心焉敬之蓋有取而然茲謹就典籍所載義旅之在浙者彙爲一篇

其江南義旅唐王閩事挂王兩粵川沅滇黔事弗載攷

順治二年五月豫親王克南京明福王遁降蕪湖其相馬士英阮大鍼率數千人走杭州六月貝勒博洛至杭營於錢塘江岸潮三日不至咸訝爲神於是杭城陷擒明潞王常勞大軍遂下嘉興定湖州取明周王家屬已而義旅紛起斬招撫使者奉魯王朱以海監國其首先倡義者爲紹興給事中熊汝霖孫嘉績而尙書張國維朱大典以金華之兵應吏部員外郎錢肅樂舉人張煌言諸生王翊以甯

之兵應吏部員外郎錢肅樂舉人張煌言諸生王翊以甯

波之兵應定海總兵王之仁石浦遊擊張名振以海舟應

餘姚黃宗羲與弟宗炎糾里中子弟數百號世忠營僮僕

荷戈婦女執爨尤義形於色其吏部尙書徐石麒平湖總

兵陳梧亦起兵嘉興與江南上下江諸義旅合皆通閩唐

王時松江吳江宜興太湖崇明崑山嘉定江陰徽州甯國

建昌撫贛義兵並起幾破江甯蘇州屢敗我軍於平望

以應浙東孫熊本不知兵所部祇烏合之卒千百人其浙東諸

營衛則盡舉以授方國安指甯紹台地丁六十萬畀之使

與王之仁劃地分餉以守諸路義民則取給義捐方王爭

餉屢有違言時貝勒勒克德渾闖浙總督張存仁守杭州

義兵盡驅錢塘江西岸之船泊東岸鳴鑼江上號十餘萬
並據富陽以逼杭省黃宗羲謂諸軍曰以蕞爾三府豈能
供如此多兵久與相持於是熊作霖率所部自赭山渡海
下海鹽孫嘉績亦以火攻營及王之仁從子王正中之兵
三千授宗羲西渡時職方郎中查繼左軍亂羲定之並挈
以行紮潭山將合太僕陳潛夫之軍通太湖義旅招吳中
豪傑自乍浦與之聯絡又約崇德今石門縣義士孫奭爲杭內
應後皆以錢江三年貝勒博洛畧地而北復嘉興府分兵
復平湖諸邑三月大兵抵錢塘江張國維王之仁乘東風

復平湖諸邑三月大兵抵錢塘江張國維王之仁乘東風

拒戰我兵觸之舟多碎國維逾江犯杭州不克四月我軍

隔江砲壞方國安營竈王之仁守江尚嚴國安遽挾魯王

自紹興走台州初馬士英阮大鍼求附於魯唐兩王不得

術之屢嗾方國安併據義餉與諸軍不睦又斬唐王犒軍

之使會六月朔我軍從上游涉江時天早有潮無沙水僅及馬腹馬阮乃

嗾國安將執魯王以獻於是張名振亟奉魯王航海遁王

之仁自沈其家口乃從亡後死於江甯軍中我軍進取紹甯台温

張國維退保義烏克之斬國維八月攻金華朱大典櫻城

死守阮大鍼引我軍從東南新築處轟入屠其城執大典

及阮大鍼馬士英並戮之大軍取衢州執明蜀王樂安王
會唐王守臣鄭芝龍通款棄仙霞關遁浙省悉平遂由廣
信衢州兩路入閩魯王之遁海也先次舟山守將黃斌卿
不納適鄭彩鄭聯以舟來會奉之入閩次中左門即廈時唐

王已滅其臣以唐魯舊豐多不願奉改次長垣浙中遺臣
錢肅樂劉中藻張肯堂徐孚遠武臣阮駿趙牧周瑞周鶴
芝林舞籥及勛臣之裔徐仁爵李錫祚等或有兵或無兵
皆來附四年錢肅樂張名振奉魯王圍福州連陷建甯邵
武興化福甯等三府一州漳浦海澄連江長樂等二十七

武興化福甯等三府一州漳浦海澄連江長樂等二十七

縣陷興化約城中官乘我兵出戰盡易明幟陷建甯城中

舉火內應陷邵武數取几案插香火自上流下我兵習

見弗備乃驟至時浙兵赴閩温台甯諸遺民復乘間結寨

逾年各城俱復響應凡數百處而四明大蘭山王翊上虞東山李長祥平

岡張煌言軍尤堅整并約舟山兵合窺甯紹適鄞縣降官

謝之賓告變我軍乃急捕內應調慈谿兵襲大蘭山姚江

兵擣東山皆敗之屆期舟山兵入蛟門抵三江所逡巡而

去五年魯王由南田陷健跳所居之我軍圍攻數重張名

振阮駿力戰乃奉之遁九月魯王復合王朝先兵斬黃斌

卿據舟山阮駿王朝先分屯桐樵南田為犄角七年張名

振忌殺王朝先於舟山其部將來降於是盡悉山寨與海寇互相倚虛實八年詔浙督陳錦與都統金礪劉之

源提督田雄深等先勦山寨用土民作鄉導直搗四明諸

山陳錦復乘大霧自螺頭門焚阮駿等舟師於橫水洋張

肯堂張名揚死守舟山我軍掘攻陷之屠其城先時張名

振奉魯王擣吳淞以綴我師祇留兵六千守舟山至時亟

奉之赴廈門鄭成功據地去監國號陳錦乃奏設陸兵千水師

二千於舟山守之九年張名振張煌言復以餘軍突入長

江登金山燕子磯遙祭孝陵掠戰艘三百於吳淞十年張

名振卒以軍授張煌言時明義旅遺臣物故殆盡總督李

名振卒以軍授張煌言時明義旅遺臣物故殆盡總督李
率泰郎廷佐屢以書招煌言弗應初魯王監國遣黃宗羲
副侍郎馮京第赴日本乞援次長崎不得請至時煌言厚
結鄭成功爲援十一年構成功再據舟山十二年復構成
功入温台十三年我軍再克舟山十四年復構成功入温
台舟次羊山相傳下有龍宮忌震動功故舉砲風浪雷湧
漂沒數千人十六年六月復構成功由崇明入長江破圖
山譚家洲礮臺斷金山焦山橫江鐵練拔瓜洲獲提督管
效忠陷鎮江圍金陵謁孝陵降徽甯池太廣無爲和州等

府州縣二十四將據揚州斷山東之師襲京口截江浙之
漕時大軍分三路征滇黔弗暇回顧 世祖幸南苑議

親征張煌言亦親率別部由蕪湖進徽甯十月鄭成功敗

還

江督郎廷佐佯爲通款總兵梁化鳳突擣其
一營成功方出江調舟師衆疑其遁遂俱潰

煌言乃由

徽甯山中走錢塘仍入海十七年鄭成功逐荷蘭入臺灣

魯王亦死煌言勢遂孤康熙二年二月閩建甯總兵吳萬

福用嚮導攻克長腰東蚶二島煌言與所部阮春雷僅以

身免閩六月總督李率泰又敗煌言兵五千於閩洋擒其

總兵張賢於是煌言先後受閩督趙廷臣京口將軍劉之

源書將隨從兵弁船隻遣發進關獨自披髮海上已而趙
廷臣復遣兵由甯台溫三路出洋搜捕八月二十日於普
陀之朱家尖獲其舊部引至南田山之懸壘煌言故畜兩
猿伺客我兵從山後突入弗覺遂擒之并獲其督師兵部
銀印一顆十月誅之此皆義旅之始末也初趙廷臣獲煌
言之父入告

聖祖命毋庸籍沒其產使貽書招煌
言煌言復書云願大人有兒如李通勿爲徐庶兒他日不
憚爲趙苞以自贖及獲至獄中供帳甚備杭人爭賄守者
求見或索書煌言皆應之戮後鄞縣遺民萬斯大請葬之

南屏山岳武穆于忠肅二墳之間噫其殆文天祥陸秀夫
之流與

論曰

言

善

云

風

大人

義旅諸臣類皆有血性饒膽畧而如黃宗羲之大儒王之
仁之忠烈張名振張煌言之奇才使得建樹於明社未屋
之先固可望其幹濟也乃上下互以私意爲汲引雖當危
急存亡之秋猶不肯改心易慮而奸貪小人一再誤國始
終不舍徒使殊才亮節效死於無可如何之時此亦古今
所同慨已自義旅亡海江皖閩浙數千里未得休息當時

嚴下海之禁令遷沿海居民於五十里內直至康熙二十
四年臺灣入版圖厲禁始弛然徒奪窮民漁鹽貿遷之業
而能禁我不往不能禁彼不來仍非善策今者外夷之意
在通商不在剽掠守之之道在設伏不在遷民倘再有以
國初防海堅壁清野之說進者尙其熟思而審處之哉

浙江

浙志便覽卷之十

化州李應珏玉山著

浙中耿逆紀畧

館

孫子兵法始計篇五道之三卽曰地而第十篇地形十一篇九地言之尤詳我朝三逆初叛卽據有滇黔川沅粵閩六七省其秦隴皖鄂宜章浙東亦半淪陷聖祖惟以一軍守秦一軍守荆一軍守岳後復以一軍自江西袁州萍鄉攻長沙隔閩粵之氣而出荆岳之背與之相持數年以次平其佚竄之賊卒以底定蓋廟算於地勢者

周也當時閩逆甫叛卽以馬九玉趨衢曾養性趨溫白顯忠趨饒廣又約叛鎮劉進忠偪粵之惠潮臺寇擾閩粵沿海各屬變起倉卒賊騎驟及浙之嚴紹距杭省不過二三百里浙督李之芳惟疾抵衢州扼賊之衝於是賊有後顧不敢遽攻省會逾數月康親王傅貝子遂得駐金駐台與賊相持三年及溫州未復康親王奉嚴旨趨閩八月二十進仙霞十月十四耿卽歸順論者謂使康親王初至卽遵旨迅入閩疆台嚴金紹之亂必可少減則尤地勢之不可不講也今就方畧所載浙中耿逆兵事據爲一篇俾

論地勢者有所證焉考康熙十二年癸丑歲十一月二十

一日吳三桂反逾年三月庚辰靖南王耿精忠即叛於閩

時每四百里設安塘筆帖式撥什庫各一飛遞軍報浙江

四日至京

西邊九日荆
州西安五日

奏至

命內大臣希爾根爲定南

大將軍自江西討閩都統賴塔爲平南將軍赴杭以駐江

甯之副都統胡圖馬哈達赴杭參贊軍事令江甯預備援

杭官兵擇肥馬五百遺夸蘭大先來四月胡圖帶滿兵千

人馬哈達率所部及江甯左翼察哈爾兵至而賊已數路

並出五月總督李之芳乃偕賴塔率滿兵千綠營二千鄉

勇五百

李之芳尋增本標
爲五營得兵五千

自杭趨衢分道抵禦巡撫以下

皆以省會爲重留之不可並請江南發兵守閩浙交界之

鉛山玉山爲聲援時攻衢之賊駐至清湖另股陷常山遂

安壽昌瀆安開化爲知縣崔華率練復又旋失其曾養性

至平陽與叛將司定猷合圍瑞安平陽總兵蔡朝佐被執

旋至温州總兵祖宏勳以城叛又陷處州破東陽義烏浦

江直至諸暨又取湯谿龍游將合衢賊六月再命駐江

甯副都統紀爾他布率右翼察哈爾全軍及每佐領甲兵

各一赴杭以戶部侍郎達都赴浙督糧餉壬子將軍圖喇

病以喇哈達移鎮杭州戊午喇哈達奏請添兵 命山東

副都統段應舉率京口綠營三千標兵二千赴杭將軍賴

塔率兵五千進閩又 命康親王傑書為奉命大將軍固

山貝子傅喇塔為靖海將軍率前鋒百七十六名每二佐

領出護軍一名赴浙京師八旗共至江甯時并調蒙古喀

喇土默特兵同往以副都統伯特赫林領之親王貝子八

其月辛酉樂清太平營相繼叛七月偽總兵李雲龍率賊

五千攻衢西南犯開化常山境副將牟大寅破之偽總兵

閻標又自溫處攻衢東南犯金華副都統喇哈鄂申副將

陳世凱等自十三至十八九戰皆捷擒閩標殺賊七千進
復義烏諸暨當賊驟至銳甚李之芳大閱將士於衢之水
亭門宣布 朝廷恩義衆皆感泣守備程龍怯則斬以徇
先與將軍申明紀律適一滿兵犯法升堂發令箭縛至立
斬之故兵民肅然其月驛傳道李之粹平嘉湖土賊於湖
州之白鶴嶺八月總兵李榮又破賊於金華巖州副將鮑
虎六戰六捷奪賊隘四收復遂安壽昌又奪賊營五收復
淳安温州賊自新岷至紹興知縣陳大典復新昌縣叅將
洪起元復嵎縣知府許宏勳又敗賊於紹興城外賊遁仙

居都司汪國祥復破之九月賊二萬由常山犯衢李之芳
親督陣越濠拔柵十七日敗之於焦園斬萬餘金華賊僞
總兵陳重等自鄭店出巢掠山口馬哈達等敗之渡河至
鄭店焚賊厰三百又胡圖王廷梅敗賊於石梁大溝源三
路夾攻收復東陽縣又温州賊屯仙居之朱溪知縣鄭錄
勦等敗之黃巖自上月被圍至時失守總兵阿爾春從賊
同時甯海新昌餘姚象山上賊蠡起甯海糧道被梗尤危
十月賊萬四五千合遂安土匪王應茂賊四千沿河傍山
爲犄角將襲衢後路鮑虎敗之斬千七百十一月庚午田

逢吉病以督餉侍郎達都爲浙江巡撫二十四日賊帥桑
明率衆五萬犯衢將與南路賊合李之芳敗之殺萬餘時
康親王在杭 上諭或固金華或遣別軍由仙霞分水等
關入閩或守衢克溫惟王酌度而行其月傅貝子喇塔至
台州敗僞都督曾爾璽等於黃瑞山焚其巢十二月初一
僞都督徐尙朝馬步三萬犯金華連營二十餘里康親王
派兵敗之於積穀山破其木城副都統石調聲又敗之於
竹園先後斬二萬參將陳夢錫又敗之於李宅敗之於馬
澗敗之於蘭谿之東埜山其月浙撫達都以年邁且不識

字舉藩司陳秉直自代從之温州賊犯天台夸蘭大席密
敗之於紫雲山九里寺山又犯嵯縣許宏勳敗之於長桂
嶺竹山嶺嚴州偽總兵王飛賊七千又犯淳安鮑虎擒之
於圍平鎮此十三年事也十四年乙卯歲正月賊犯遂安
圖襲金衢餉道鮑虎敗之於花石嶺都司趙得勝進復分
水縣又搜剿龍游蘭谿壽昌山中踞賊疊敗之於白馬黃
塘源蘭谿知縣楊天和又敗之於下盛村守備李和又敗
之於大堰頭仙洞隨征知縣姚啟聖又敗賊於諸暨之楓
橋錢塘村又破賊方懋功於冷水先後斬獲七千餘其月

康親王誓師金華馬哈達李榮陳世凱等大敗徐尙朝賊
收復永康縉雲二縣二月馬哈達等敗偽總兵沙有祥於
桃花嶺拔其寨進復處州府城賊遁仙居傅喇塔等三路
追至白水洋偽鎮海都督林冲立十三營距守二月十五
日官軍克其一營餘俱潰進逼仙居曾養性以千人櫻城
死守官軍三面架雲梯拔之養性遁擬卽進剿黃巖時賊
偽總兵馮公義自義烏遁武義山中統領希福敗之於苦
竹遊擊田萬候又敗賊林惟仁於武義之嚴陽焚其木城
追至宣平之大王嶺再破其木巢其月李之芳請卹金衢

嚴紹台等被亂災區 詔賑以捐助銀米又 上諭康親
王畧謂王前稱處州克復即可進閩嗣又稱傅貝子台州
浮橋戰艦將成可以進復黃巖現賊情究竟如何尋覆奏
必俟舟師至台州平乃可圖閩三月僞總兵葉念率黨五
千於南山一帶爲衢賊運糧總兵王廷梅三戰三捷并敗
馬九玉於衢州城外馮公輔尙屯宣平之籠坑地方初三
日田萬候敗之於宣平前塢兩路夾攻遂抵城外復由馬
口一路追至大旗口賊伏叢中死鬪自辰至午追上山賊
憑木城滾石死拒我兵奪隘入遂克之四月僞騎都尉連

登雲由松溪入僞總兵徐尙朝由温州入左右夾攻處州

馬哈達蔡渾等分路敗之鮑虎又敗賊於汪家源

遂安自境

温州失後賊勾海盜屢犯沿海各邑初六日原任廣東提

督常進忠等自定海出洋敗賊於沈家門五月遊擊高祿

敗衢賊於大埂余村守備李和直抵上路原都司張文福

又敗賊峽口金處協牟大寅又敗賊於湯谿及周寨湯溪

守備又敗賊於黃塘二十日李之芳乘連旬水漲親自南

塘討賊於銅錢嶺時賊渠馬九玉朱懷德踞江開常其溪

口清湖大溪灘茅村皆賊營并散處金處山中四出窺伺

其日議敗大臣以大軍臨淮

銅錢嶺相持三年其險寨也其月議政大臣以大軍亟進
閩省爲要著奏云前據貝子傅喇塔奏稱俟提督常進忠
舟師到台卽令守台浮橋親渡江進討黃巖惟今風滯師
老而安親王江西之師已復建昌若令安親王徑拔建甯
康親王疾攻仙霞兩路必有一捷事下兩王議康親王尋
奏甯波師船不能至台已回定海現攻小梁山未克台州
祇有兵三千處郡現屢警未能進閩閏五月賊三路犯處
州馬哈達敗之於十八都石塘石佛嶺進復松陽縣叅將
裴天祿原任武義縣李經邦叠敗賊於宣平武義之大王

嶺東瀧隘口上套下五塘大嵐山界連甯紹踞賊甚眾黨
連溫台紹協都司王得福破之賊犯慈谿參將馬化龍敗
之六月傅喇塔奏黃巖陸賊曾養性祖宏勳等部下有偽
總兵八兵六千南自長石嶺北至三江數十里中屯營二
十五處水路賊酋朱飛熊張恭萬許英等部下有偽總兵
四兵萬餘舟三百泊城東十里小梁山我兵已斃朱飛熊
於台州惟台甯紹皆濱海非有水師不足禦其飄突臣初
得仙居卽擬向黃巖以賊踞平茂嶺斷我路頃探得由土
木嶺間道二百里可抵黃巖中間險路不能騎者四十里

賊弗備擬乘虛進討其月賊犯天台副將秦宏猷敗之紫
雲山七月紀爾他布自土木嶺敗賊於半山嶺破賊營二
十五收復黃巖縣城曾養性突圍走温州八月馬九玉率
賊數千屯衢州北元口山上斷我糧道賴塔三面圍之克
其木城九月傅喇塔親率統領吳木等自黃巖討温州敗
賊於上塘嶺又誘擊賊於小河渡收復太平樂清青田三
縣大荆磐石二衛十月初七傅喇塔攻温州敗賊於南塘
時馬哈達台吉蔡渾等自處州至初九日亦敗賊於石塘
十二月李之芳奏招撫温台處賊兵四千難民十一萬此

十四年事也十五年丙寅歲正月李之芳招降遂安賊目汪飛龍兵五千賊屯衢河之西其黨王國忠據河南運糧叅將趙得連破其三寨二月十七曾養性祖宏勳水陸賊四萬援温州紀爾他布大敗之復立營江岸扼其青田竄路穆赫林亦敗賊於八帶橋馬哈達亦敗賊樟村是月上諭康親王畧謂初命王平閩王稱宜先平浙從之繼命傅喇塔討黃巖又藉稱修橋造船至延時日進攻温州謂紅衣砲至卽拔今仍未聲明温州何時可克王寃於何時進閩王宜察温州可破卽破温州後進閩若未易得卽酌留

軍圍溫躬先赴閩如仙霞路阻或由分水關或別徑但使
閩逆早平江西軍得專向長沙吳逆自易滅蓋時耿繼祚
再犯建昌忽棄營遁 上知閩中必有海患故趣進愈急
而平賊機宜在 廟算中矣三月康親王覆奏云臣屢檄
傅貝子速取溫城據稱疊催副都統穆赫林紀爾他布鄂
申福建提督段應舉等皆瞻顧不前現時處台衢杭兵皆
不能調動請濟以崇明舟師及廣信江甯之兵隨臣進閩
上諭舟師未便移動餘兵皆赴吉安出賊守吉安數月
時長沙大軍之後
王可親至溫城換傅貝子守金華或檄諸將速取溫城王

居金華二年究何日滅賊至我朝軍法最嚴各將如果

瞻顧事平當從重議處是月初八日再復開化衢賊自此

稍衰矣四月傅喇塔奏康親王湊合臣前後回文呈奏稱

臣誤王進閩冤抑王初稱得台州後進閩臣下台卽撥兵

隨王前進今又稱俟下温州溫城環河難以猝拔上諭

康親王酌留偏師圍溫速取江山進閩兩人須和衷共濟

自處平後馮公輔尙據守宣平爲衢賊聲援是月初八夸

蘭大黨喀爾敗之於陶村又敗之夏灣收復宣平縣城五

月十三傅喇塔統兵過溫之三角嶺循江邊大路行曾養

性率賊舟百餘拒於江中並於岸上得勝山下之古溪立
營與對岸賊營相應紀爾他布陳世凱分兩翼奪取大路
令漢軍登得勝山轟江中及對岸船壘賊水陸敗走十四
日紀爾他布至溫溪渡僞都督馬龍等賊五路來犯我軍
旗兵居中綠營分兩翼齊擊又大敗之六月浙江提督石
調聲敗賊於甯海之江窰進復象山縣蓋時大軍雖抵溫
州餘竊漂潦所在尙多也七月溫賊蕭君球犯縉雲圖襲
金處要路總兵劉顯芳敗之於黃鳥嶺破其木城其月康
親王傅貝子討闖俱至衢州八月李之芳以馬九玉賊數

萬營於衢河之西九龍山又萬人營大溪灘護輓運乃先
擊破大溪灘之賊進復江山縣卽中秋夜遣兵涉河擣九
玉營適遇其來襲之賊於江岸遽礮却之賊營踞高壘復
椿密魚貫而入不能驟返我兵礮薄諸山下殲焉十六日
乘勝火其寨九玉僅以三十騎遁遂復江山縣十九日胡
圖賴塔從間道分兩路進馬九玉邀之不及二十一日僞
守關叅將金應虎降遂復仙霞關二十三日進閩遂復浦
城縣 上諭於收復仙霞關降將及領兵章京各派一人
來京 面問情形 滯語 官員多稱章京 時安親王由江西再克建昌又饒州

江甯官兵亦復廣信徽歙績祁惟浦城石塘毘連處郡一
帶尙多踞賊二十三日總兵陳世凱溫處道姚啟聖亦敗
之破其九壘翌日收復雲和縣三月初三康親王克建陽
縣進復建甯府白顯忠聞大軍入閩聲言將趨建陽斷我
後路李之芳遣間諜降其二將顯忠亦降十月十四康親
王至福州耿精忠遣其子顯祚繳僞總統印先害總督范
承謨以滅口乃出降准隨大軍剿臺寇贖罪蓋耿逆自江
浙兩路失利臺灣寇又襲其後閩疆半入鄭錦故大軍至
延平卽望風瓦解也其月陳世凱招撫景甯遂昌慶和松

滋等縣曾養性亦以温州闔郡降溫處各屬悉平惟各偽
 將尙踞江西之鉛山弋陽德興與浙接壤而江西師方禦
 吳逆於袁州不暇顧李之芳乃克玉山破木城六又自白
 沙趨德興破賊寨十三擒偽帥馬鵬磔之另軍收復興安
 弋陽貴溪逾年夏復剿玉山之椒巖洞降程鳳妻王氏眾
 六萬七千餘又降林爾瞻賊二萬於石壠寨
界江西上饒鉛山閩光澤
 之平李星於玉山之八仙洞先後降偽官六千二百賊兵
 十六萬拯難民百二十二萬此十五年進剿至平定耿逆
 之事也滇黔平後誅耿精忠白顯忠曾養性祖宏勳等惟

馬九玉以剿粵有功免康親王以下功罪相抵免議二十一年李之芳回杭逾年入掌中樞尋協辦大學士二十三年裁浙江總督二十六年令閩督兼浙

論曰

書

自古經綸草昧芟夷大難之主未有不親執枹鼓身履行間而可以作士氣馭強臣操縱刑賞者三逆之亂我

聖祖兩次議親征不果然每日披閱章奏三四百各路進止皆稟 睿裁用命者罔不催敵違機者罔不挫衄而每當大捷輒命降將及領兵章京至面詢情形參考互稽

凡兵事之利鈍將士之勇怯功罪之情偽釐毫洞悉健行默運於八年一日之中視進止賞罰一任將帥之欺蒙聽

其自為成敗者奚啻天淵哉抑余聞之當時賊氛蔓延十

三省淪陷六百餘城用兵四十餘萬而餉未嘗匱禁軍需

夫役不得私派錢糧正額外不得私抽甚嚴其故何哉開

例三年祇入二百萬其餘裁節冗費改折漕貢量增蓋我

朝歲支兵餉千七百餘萬養旗綠兵八十六萬餘駐京八旗

十萬餘餘丁二萬七千餘各省旗兵十萬七千餘各省綠營六十三萬三千餘當事之殷以索倫

兵守烏喇黑龍江等統名索倫烏喇兵守 盛京盛京兵

兵吉林即烏喇舊治

移京師京軍分屯河南之南陽等處以備秦隴荆襄之援
分屯山東兗州等處以應江浙皖鄂之調各路將帥無敢
以舍兵募勇爲言者視今日議節餉則兵不能裁議防剿
則兵皆無用無事之時勇費歲二千萬過於兵餉大不同也且
夫兵以勞而強以逸而弱固常情也當滇氛甫至巡撫盧
震棄長沙先遁兵官賈從哲張元經棄固原遽奔荆岳大
軍四五年不能寸進攻長沙之師亦兩三年始克有功其
疲軟情形與今何異而久之兵以屢戰而膽日壯將以屢
敗而慮日周而敵數勝則驕備廣則疎黨眾則匱遂卒以

底定此則惟在上者不以和議墮諸將之氣不以募勇貸

兵士之勞有以致之也光緒乙未言官以從前歲入少而

用常有餘

乾隆間額賦四千三百餘萬歲餘千八百餘萬

近日加增稅釐歲入七

千餘萬而用常不足戶部因請祇留兵三成事未必行則

莫若練兵裁勇攷兵不逮勇者以餉薄數分征調稽延耳

若將旗綠各兵分爲三班以二班照常當差以一班填紮

防勇分駐之地以練爲防每班四月一易一年而徧每人

日加餉七分計勇餉一名可贍練兵二名若練兵二十餘

萬可省勇餉數百萬而聞警卽發凡空名老弱及派充雜

差名色一切營伍積習皆無所藏奸兵與餉不兩得哉抑
又聞之近日人心樂戰充伍者每願打點二三十緡充勇
者亦願領小餉二三月日給錢一百謂之小餉若令旗綠兵就戚族
中願應募者各舉一人爲老病時替身若遇征調卽令應
募爲勇以其暇練習槍礮號令彼薦舉有人上進有路技
藝紀律皆所習見一兵得兩兵之用視召募烏合之衆散
則懼其爲盜者相去遠矣


浙江圖書館



浙江圖書館



浙江圖書館



英事紀畧

明代倭寇紀畧

髮匪紀畧

明季義旅紀畧

法事紀畧


耿逆紀畧

浙江圖書

915-124
3640
202



浙江圖書館



TIFFEN Color Control Patches © The Tiffen Company, 2007
Blue Cyan Green Yellow Red Magenta White 3/Color Bla